

唐詩別裁集

歸葉山房  
石印

100

101

102

103

104

105

106

107

108

109

110

唐詩別裁集卷七

杜甫

觀打魚歌

綿州江水之東津。魴魚鱗色勝銀。漁人漾舟沉大網。截江一擁數百鱗。衆魚常才盡却棄。赤鯉騰出如有神。潛龍無聲老蛟怒。迴風颯颯吹沙塵。饜子左右揮霜刀。鱠飛金盤白雪高。徐州毛尾不足憶。漢陰槎頭遠遁逃。魴魚肥美知第一。既飽歡娛亦蕭瑟。君不見朝來割素馨。咫尺波濤永相失。

又觀打魚

蒼江漁子清晨集。設網提網萬魚急。能者操身疾若風。撐突波濤挺叉入。小魚脫漏不可記。半死半生猶戢戢。大魚傷損皆垂頭。屈強泥沙有時立。東津觀魚已再來。主人罷鱸還傾盃。日暮蛟龍改窟穴。山根鱸鮓隨雲雷。干戈兵革鬪未止。鳳凰麒麟安在哉。吾徒胡為縱此樂。暴殄天物聖所哀。

前首為老饕戒耳此更說到干戈兵革洪鍾無纖響也

短歌行原注贈王

王郎酒酣拔劍斫地歌。莫哀我。能拔爾。抑塞磊落之奇才。豫樟翻風白日動。鯨魚跋

功名富貴何獨不然

惡其傷類再進一

識也二內形



長洲沈德潛歸愚選

哥才  
王欲入  
蜀  
送荆之  
地

章留後  
猶楚詞  
之亂曰

字字勝  
蘇跳躍

霍王元  
軌之子  
伏未陵  
畫馬五  
位

浪滄溟。開且脫。佩劍休徘徊。西得諸侯棹錦水。欲向何門跋珠履。仲宣樓頭春色深。青眼高歌望吾子。眼中之人吾老矣。上下各五句復用單句相間此亦獨翻之格言眼中之人紛紛不足比數而我年已老所望者惟吾子也

桃李秋引 原注贈張留侯

江中蟠石生桃竹。蒼波噴浸尺度足。斬根削皮如紫玉。江妃水仙惜不得。梓潼使君開一束。滿堂賓客皆歎息。憐我老病贈兩莖。出入爪甲鏗有聲。老夫復欲東南征。乘濤鼓柁白帝城。路幽必為鬼神奪。拔劍或與蛟龍爭。重為告曰。杖兮杖兮。爾之生也。甚正直。慎勿見水。踴躍學變化。為龍使我不得爾之扶持。滅跡於君山湖上之青峰。噫。風塵澒洞兮。豺虎齧人。忽失雙杖兮。吾將曷從。凌空起想橫絕一時

韋諷錄事宅觀曹將軍畫馬圖

國初已來畫鞍馬。神妙獨數江都王。將軍得名三十載。人間又見真乘黃。曾貌先帝照夜白。龍池十日飛霹靂。內府殷紅瑪瑙盤。婕妤傳詔才人索。盤賜將軍拜舞歸。輕紈細綺相追飛。貴戚權門得筆跡。始覺屏障生光輝。昔日太宗拳毛騮。近時郭家師子花。今之新圖有一馬。復令識者久歎嗟。此皆騎戰一敵萬。緜素漠漠開風沙。其餘七匹亦殊絕。迥若寒空動煙雪。霜蹄蹴踏長楸間。馬官廂養森成列。可憐九馬爭神

才德並  
見穆王  
以明皇  
武比漢  
明皇陵

不以正  
統與之  
詩中畫  
筆以畫  
人引起  
神來紙  
上如堆  
身突出  
反觀霸  
之畫善  
非必貶

仍歸畫  
人左  
霸為左  
衛將軍  
後附籍  
雅開作

駿顧視清高氣深穩借問苦心愛者誰後有韋諷前支道憶昔巡幸新豐宮翠華拂  
天來向東騰驤磊落三萬匹皆與此國筋骨同自從獻寶朝河宗無復射蛟江水中  
君不見金粟堆前松柏裏龍媒去盡鳥呼風朝河宗言河宗朝而獻寶也用穆天子  
到真馬同真馬說到天子巡幸故君  
之思捲捲不忘此題後拓開一步法

丹青引將軍贈曹

將軍魏武之子孫於今為庶為清門英雄割據雖已矣文采風流猶尚存學書初學  
衛夫人但恨無過王右軍丹青不知老將至富貴於我如浮雲開元之中常引見承  
恩數上南薰殿凌烟功臣少顏色將軍下筆開生面良相頭上進賢冠猛將腰間大  
羽箭褒公鄂公毛髮動英姿颯爽來酣戰先帝天馬五花驄畫工如山貌不同是日  
牽來赤墀下迥立闔闔生長風詔謂將軍拂絹素意匠慘淡經營中斯須九重真龍  
出一洗萬古凡馬空玉花却在御榻上榻上庭前屹相向至尊含笑催賜金圉人太  
僕皆凋張弟子韓幹早入室亦能畫馬窮殊相幹惟畫肉不畫骨恐使驂駒氣凋喪  
將軍盡善蓋有神必達佳士亦寫真即今飄泊干戈際屢貌尋常行路人途窮反遭  
俗眼白世上未有如公貧但看古來盛名下終日坎壈纏其身畫人畫馬寶主相形  
縱橫跌宕必得之于

心應之于手有化工  
而無人力觀止矣

結

秋子璋  
崔光遠  
李奐  
見不宜  
留蜀以  
滋後亂

刺史  
符御  
留後自  
謂吐蕃  
明皇已  
蒙塵故  
云再蒙

戲作花卿歌 花卿歌

成都猛將有花卿。學語小兒知姓名。用如快鷲風火生。見賊惟多身始輕。綿州副使著柘黃。我卿掃除即日平。子璋觸腹血模糊。手提擲還崔大夫。李侯重有此節度。人道我卿絕世無。既稱絕世無天子。何不喚取守東都。李奐出奔成都後復鎮東川故曰重有此節度也

冬狩行 原注時梓州刺史章彝兼梓州御史留後東川

君不見東川節度兵馬雄。校獵亦似觀成功。夜發猛士三千人。清晨合圍步驟同。禽獸已斃十七八。殺聲落日迴蒼穹。幕前生致九青兕。駝駝崑崙垂玄熊。東西南北百里間。鬐鬣蹴踏寒山空。有鳥名鸚鵡。力不能高飛。逐走蓬。肉味不足登鼎俎。何為見羈虞羅中。春蒐冬狩候得同。使君五馬一馬驄。况今攝行大將權。號令頗有前賢風。飄然時危一老翁。十年厭見旌旗紅。喜君士卒甚整肅。為我迴轡擒西戎。草中狐兔盡何益。天子不在咸陽宮。朝廷雖無幽王禍。得不哀痛塵再蒙。嗚呼。得不哀痛塵再蒙。言當敵虜王不宜以校獵自誇英武也大聲疾呼鬼神欲泣

閬山歌

閬州城東雪山白。閬州城北玉臺碧。松浮欲盡不盡雲。江動將崩未崩石。那知根無鬼神會。已覺氣與嵩華敵。中原格鬪且未歸。應結茅齋看青壁。

閩水歌

嘉陵江色何所似。石黛碧玉相因依。正憐日破浪花出。更復春從沙際歸。巴童蕩槳歌側過。水雞銜魚來去飛。閩中勝事可腸斷。閩州城南天下稀。

越王樓歌

太宗子越王貞任  
蘇州刺史作此樓

綿州州府何磊落。顯慶中年越王作。孤城西北起高樓。碧瓦朱甍照城郭。樓下長江百丈清。江頭落日半輪明。君王舊跡今人賞。轉見千秋萬古情。詩見此老無所不有

折檻行

嗚呼房魏不復見。秦王學士時難羨。青衿胃子因泥塗。白馬將軍若雷電。千載少似朱雲人。至今折檻空嶙峋。婁公不語宋公語。尚憶先皇容直臣。永泰二年中官魚朝恩判國子監事故作

此詩言當時諸臣不能力爭任其橫行也  
朝思兼神策軍使故以白馬將軍比之

古柏行

孔明廟前有老柏。柯如青銅根如石。霜皮溜雨四十圍。黛色參天二千尺。君臣已與時際會。樹木猶為人愛惜。雲來氣接巫峽長。月出寒通雪山白。憶昨路繞錦城東。先主武侯同閔宮。崔嵬枝幹郊原古。窈窕丹靑戶牖空。落落盤踞雖得地。冥冥孤高多烈風。扶持自是神明力。正直原因造化功。大廈如傾要梁棟。萬牛回首立山重。不露

十八學  
師德

此夔州  
孔明廟  
柏  
此憶歲  
廟都孔明

為負才之士寫  
此公自比稷契  
而不見用此發  
此謀

若問作結仍不  
說盡

舞有劍器胡旋胡騰等  
名則知非舞劍也後人用誤者  
多渾脫舞石脫音駝人錯者  
錯者

文章世已驚未辭剪伐誰能送苦心豈免容螻蟻香葉終經宿鸞鳳志士幽人莫怨  
嗟古來材大難為用中問時有整句與洗馬篇同格○大木寓棟梁意人八有之從君臣際會者筆方見精采

縛雞行

小奴縛雞向市賣雞被縛急相喧爭家中厭雞食蟲蟻不知賣雞還遭烹蟲雞於人  
何厚薄吾叱奴人解其縛雞蟲得失無了時注目寒江倚山閣

觀公孫大娘弟子舞劍器行 并序

大歷二年十月十九日夔州別駕元持宅見臨穎李十二娘舞劍器壯其蔚跂  
問其所師曰余公孫大娘弟子也開元三載余尚童稚記於郾城觀公孫氏舞  
劍渾脫瀏灘頓挫獨出冠時自高頭宜春梨園二伎坊內人洎外供奉曉是舞  
者聖文神武皇帝初公孫一人而已玉貌錦衣况余白首今茲弟子亦匪盛顏  
既辨其由來知波瀾莫二撫事慷慨聊為劍器行往者吳人張旭善草書書帖  
數常於鄴縣見公孫大娘舞西河劍器自此草書長進豪蕩感激即公孫可知  
矣

昔有佳人公孫氏一舞劍器動四方觀者如山色沮喪天地為之久低昂燿如羿射  
九日落矯如羣帝驂龍翔來如雷霆收震怒罷如江海凝清光絳唇珠袖兩寂寞晚



注重此

不忍處

苦縣有  
老子廟  
錦光廟  
二年立

有弟子傳芬芳。臨穎美人在白帝。妙舞此曲神揚揚。與余問答既有以。感時撫事增  
惋傷。先帝侍女八千人。公孫劍器初第一。五十年間似反掌。風塵瀕洞昏王室。梨園  
子弟散如煙。女樂餘姿映寒日。金粟堆南木已拱。瞿塘石城草蕭瑟。玳筵急管曲復  
終。樂極哀來月東出。老夫不知其所往。足齒荒山轉愁疾。詠李氏思及公孫詠公孫  
念及先帝身世之感興三

之感文赴飛下苦就  
題還題有何與會

### 李潮八分小篆歌

蒼頡鳥跡既茫昧。字體變化如浮雲。陳倉石鼓又已訛。大小二篆生八分。秦有李斯  
漢蔡邕。中間作者寂不聞。嶧山之碑野火焚。棗木傳刻肥失真。苦縣光和尚骨立。書  
費瘦硬方通神。惜哉李蔡不復得。吾甥李潮下筆親。尚書韓擇木。騎曹蔡有鄰。開元  
已來數八分。潮也奄有二子成三人。况潮小篆逼秦相。快劍長戟森相向。八分一字  
直百金。蛟龍盤拏肉。倔強吳郡張顛誇草書。草書非古空雄壯。豈如吾甥不流宕。元  
相中郎丈人行。巴東逢李潮。逾月求我歌。我今衰老才力薄。潮乎潮乎奈汝何。

### 王兵馬使二角鷹

悲臺蕭颯石龍從。哀壑杈枒浩呼洶。中有萬里之長江。迴風隘日孤光動。角鷹翻倒  
壯士臂。將軍玉帳軒勇氣。二鷹猛腦條徐墜。目如愁胡視天地。杉雞竹兔不自惜。溪

左右動  
羽各六

主意

東晉日  
入今事  
沉痛語  
使人讀  
不得

虎野羊俱辟易。鞞上鋒。稜十二。副將軍勇銳與之敵。將軍樹勳起安西。崑崙虞泉入馬蹄。白羽曾肉三狡獠。敢決豈不與之齊。荆南芮公得將軍。亦如角鷹下翔雲。惡鳥飛飛啄金屋。安得爾輩開其羣。驅出六合。泉驚分。應起於吾前。入手須如此。落筆

憶昔

憶昔開元全盛日。小邑猶藏萬家室。稻米流脂粟米白。公私倉庫俱豐實。九州道路無豺虎。遠行不勞吉日出。齊紈魯縞車班班。男耕女桑不相失。宮中聖人奏雲門。天下朋友皆膠漆。百餘年間未定變。叔孫禮樂蕭何律。豈聞一絹值萬錢。有田耕種今流血。洛陽宮殿燒焚盡。宗廟新除狐兔穴。傷心不忍問耆舊。復恐初從亂。離說小臣魯鈍無所能。朝廷記憶蒙祿秩。周宣中興望我王。洒血江漢身衰疾。前據開元之威後致吐蕃之亂

未望我宗之中興也

陪王侍御同登東山最高頂宴姚通泉晚攜酒泛江

姚公美政誰與薄。不減昔時陳太丘。邑中上客有柱史。多暇日陪驄馬遊。東山高頂羅珍羞。下顧城郭消我憂。清江白日落欲盡。復攜美人登綠舟。笛聲怨憤長中流。妙舞遙迤夜未休。燈前往往大魚出。聽曲低昂如有求。三更風起寒浪湧。取樂喧呼覺舡重。滿空星河光破碎。四座賓客色不動。請公臨深莫相違。迴舡罷酒上馬歸。人生

歡會。豈有極。無使霜露沾人衣。結出好樂毋荒意而措語蘊藉耐人咀吟

白鳧行

君不見黃鵠高於五尺童。化為白鳧似老翁。故畦遺穗已蕩盡。天寒日暮波濤中。鱗介腥膻素不食。終日忍飢西復東。魯門鷄鵠亦蹭蹬。聞道于今亦避風。是居今猶避風黃鵠忍飢

所圖然也推闡作結感憤中復能安分

魏將軍歌

將軍昔著從事衫。鐵馬馳突重兩銜。被堅執銳畧西極。崑崙月窟東嶄巖。君門羽林萬猛士。忍若哮虎子所監。五年起家列霜戟。一日過海收風帆。平生流輩從蠢蠢。長安少年氣欲盡。魏侯骨聳精爽緊。華嶽峰尖見秋隼。星纏寶鉞金盤陀。夜騎天駟趨天河。攬槍突感不敢動。翠鬣雲梢相蕩摩。吾為子起歌。都護酒闌插劍肝。膽露鈞陳蒼蒼玄武暮。萬歲千秋奉明主。臨江節士安足數。

醉歌行贈公安顏少府請願八分題壁

神仙中人不易得。顏氏之子才孤標。天馬長鳴待駕馭。秋鷹整翮當雲霄。君不見東吳顧文學。君不見西漢杜陵老。詩家筆勢君不嫌。詞翰升堂為君掃。是日霜風凍七澤。烏蠻落照銜赤壁。酒酣耳熱忘頭白。感君意氣無所惜。一為歌行歌主客。

免春在 兩而日 東者言 畧地至 極西 猶極 歸自西 海歸 宋有丁 都護歌 漢有臨 江節士 白謂指 顧 杜詩每 有此種

馬詩刊 卷六 五 埽葉山房石印

接法

夜聞簾策

夜聞簾策滄江上。哀年側耳情所嚮。鄰舟一聽多感傷。塞曲三更歎悲壯。積雪飛霜此夜寒。孤燈急管復風滿。君知天地干戈滿。不見江湖行路難。本言行路之難而以干戈之滿形之則不

見其難矣。透過一層。家鄉既滿。盡遠近理。亦齊用意。亦復爾爾。

追酬故高蜀州人日見寄并序

開文書帙中。檢所遺忘。因得故常侍通。往居在成都時。高任蜀州刺史。人日相憶。見寄詩。淚洒行間。讀終篇末。自枉詩已十餘年。莫紀存歿。又六七年矣。老病懷舊。生意可知。今海內忘形故人。獨漢中王瑀與昭州敬使君超。先在愛而不見。清見乎詞。大歷五年正月二十一日。卻追酬高公此作。因寄王及敬弟。

自枉蜀州人日作。不意清詩久零落。今晨散帙眼忽開。迸淚幽吟事如昨。嗚呼壯士多慷慨。合沓高名動寥廓。歎我淒淒求友篇。感時鬱鬱匡君略。錦里春光空爛熳。瑤瑋侍臣已冥寞。瀟湘水國傍鼉鼙。杜秋天失鵬鴞。東南西北更誰論。白首扁舟病獨存。遙拱北辰纏冠盜。欲傾東海洗乾坤。邊塞西蕃最充斥。衣冠南渡多崩奔。鼓瑟至今悲帝子。曳裾何處覓王門。文章曹植波瀾闊。服食劉安德業尊。長笛鄰家亂愁思。昭州詞翰與招魂。谷蜀州地。爾東南西北人句。故將東西南北分點。古人訓贈體也。

時公泊潭州。憶高所處。對高。贈句。高。分說。東。西南。北。本楚詞。之招魂。曹劉比。漢中欲得。以招高魂。

王季友

酬李十六岐

鍊丹文武火未成。賣藥販履俱逃名。出谷迷行洛陽道。乘流醉臥滑臺城。城下故人久離怨。一歡適我兩家願。朝飲杖懸沽酒錢。暮餐囊有松花飯。于何車馬日憧憧。李膺門館爭登龍。千賓揖對若流水。五經發難若叩鐘。下筆新詩行滿壁。立談古人坐  
 在席。問我草堂有臥雲。知我山儲無儋石。自耕自刈食為天。如鹿如麋飲野泉。亦知世上公卿貴。且養邱中草木年。車馬憧憧一段即所云世上公卿貴也

宿東谿十五山亭

上山下山入山谷。谿中落日留我宿。松石依依當主人。主人不在意亦足。名花出地兩重階。絕頂平天一小齋。本意由來是山水。何用相逢語舊懷。直白語自是真境

元結

宿丹崖翁宅

扁舟欲到瀧口滿。春水滿瀧上水難。投竿來泊丹崖下。得與崖翁盡一歡。丹崖之亭當石巔。破竹半山引寒泉。泉流掩映在木杪。有若白鳥飛林間。往往隨風作霧雨。溼人中履滿庭前。丹崖翁愛丹崖。棄官幾年崖下家。兒孫棹船抱酒甕。醉裏長歌揮釣

接竹引水寫來如畫

車。我將求退與翁遊。學翁歌醉在漁舟。官吏隨人往未得。卻望丹崖慙復羞。

洄溪招隱

即此是  
山道處  
方大皆  
虛語也

長松亭亭滿四山。山間乳竇流清泉。洄溪正在此山裏。乳水松膏常灌田。松膏乳水  
田肥良。稻苗如蒲米粒長。麋色如玳玉液酒。酒熱猶聞松節香。溪邊老翁年幾許。長  
男頭白孫嫁女。問言只食松田米。無藥無方向人語。洄溪石下多泉源。盛夏大寒冬  
大温。屠蘇宜在水中石。洄溪一曲自當門。吾今欲作洄溪翁。誰能任我舍西東。勿憚  
山深與地僻。羅浮尚有葛仙翁。通體俱寫洄溪之可隱

劉長卿

中唐詩客寥寥可數。故文房以後  
昌黎以前存十餘首。以志崖略。

銅雀臺

嬌愛更何日。高臺空數層。含啼映雙袖。不忍看西陵。漳水東流無復來。百花華路為  
蒼苔。青樓月夜長寂寞。碧雲日暮空徘徊。君不見鄴中萬事非昔時。古人不在今人  
悲。春風不逐君王去。草色年年舊宮路。宮中歌舞已浮雲。空指行人往來處。

入桂渚次砂牛石穴

扁舟傍歸路。日暮滿湘深。湘水清見底。楚雲淡無心。片帆落桂渚。獨夜依楓林。楓林  
月出猿聲苦。桂渚天寒桂花吐。此中無處不堪愁。江客相看淚如雨。

不必嘲  
艾老賜  
淡遠寫  
去自存  
詩品

待也

嚴陵釣臺送李康成赴江東使

滄海子陵瀨。鬢髯如在目。七里人已非。千年水空綠。新安江上孤帆遠。應逐楓林千萬轉。古臺落日共蕭條。寒水無波更清淺。臺上漁竿不復持。却令猿鳥向人悲。灘聲山翠至今在。蓬爾行舟晚泊時。

聽笛歌別鄭協律

舊遊憐我長沙請。載酒沙頭送僊客。天涯望月自沾衣。江上何人復吹笛。橫笛能令孤客愁。綠波淡淡如不流。商聲寥亮羽聲苦。江天寂歷江楓秋。靜聽闕山聞一叫。三湘月色悲猿嘯。又吹楊柳激繁音。千里春色傷人心。隨風飄向何處落。唯見曲盡平湖深。明發與君離別後。馬上一聲堪白首。

錢起

送崔十三東遊

千里有同心。十年一會面。當杯緩箏柱。倏忽催離燕。丹鳳城頭噪晚鴉。行人馬首夕陽斜。灞上春風留別袂。關東新月宿誰家。官柳依依兩鄉色。誰能此別不相憶。

然流入平詞矣

送鄔三落第還鄉

起用單句而以  
韻兒知為

人虎互  
形毛髮  
生動

郢客文章絕世稀。常嗟時命與心違。十年失路誰知己。千里思親獨遠歸。雲帆春水將何適。日愛東南暮山碧。關中新月對離樽。江上殘花待歸客。名宦無媒自古違。窮途此別不堪悲。荷衣垂釣且安命。金馬招賢會有時。

郎士元

塞下曲

寶刀塞下兒。身經百戰曾百勝。壯心竟未嫖姚知。白草山頭日初沒。黃沙戍下悲歌發。蕭條夜靜邊風吹。獨倚營門望秋月。

盧綸

官止檢校戶部郎中

綸字允吉。河中蒲人。大歷初舉進士。不第。以元載薦。授監察御史。後韋渠牟表其才。得召見。帝有所作。輒命。齊和既從。潭。跋在河中。驛名之。會牟

臘日觀咸寧王部曲娑勒擒虎歌

山頭矐矐日將出。山下臘圓照初日。前林有獸未識名。將軍促騎無人聲。潛形踞伏草不動。雙鵬轉旋羣鴉鳴。陰方質子才三十。譯語受詞蕃語揖。捨鞍解甲疾如風。人忽虎蹲獸人立。欵然扼額批其頤。爪牙委地涎淋漓。既蘇復吼拗成怒。果叶英謀生致之。拖自深叢目如電。萬夫失容千馬戰。傳呼賀拜聲相連。殺氣騰陵陰滿川。始知縛虎如縛鼠。敗寇降羌生眼前。祝爾嘉詞爾無苦。獻爾將隨犀象舞。苑中流水禁中



山期爾攬搏開天顏。非熊之兆慶無極。願紀雄名傳百蠻。中間搏數語何減  
太史公敘鉅鹿之戰

劉禹錫

平蔡州三首

九衢車馬渾渾流。使臣來獻淮西囚。四夷聞風失匕箸。天子受賀登高樓。妖童擢髮  
不足數。血汗城西一杯土。南風無火楚澤閒。夜行不鎖穆陵關。策勳禮畢天下泰。猛

士按劍看常山。時惟常  
山不庭

蔡州城中衆心死。妖星夜落照壕水。漢家飛將下天來。馬箠一揮門洞開。賊徒奔騰  
望旗拜。有若羣鷙驚春雷。狂童面縛登檻車。太白夭矯垂捷書。相公從容來鎮撫。常

侍郊迎負文弩。西人歸業閭里間。小兒跳踉健兒舞。

汝南晨雞喔喔鳴。城頭鼓角音和平。路傍老人憶舊事。相與感激皆涕零。老人收泣

前致辭。官軍入城人不知。忽驚元和十二載。喜見天寶承平時。紀事云夢得曰柳八  
駁韓十八平淮西碑

云左餐右粥何如我平淮西雅云仰父俯子韓碑兼有帽子使我為之便說用兵  
戎叛矣韓碑柳雅各有所長余詩有云汝南晨雞喔喔鳴城中鼓重見天寶承平時  
之入蔡城也須臾之間賊無覺者又落句云忽驚元和十二載重見天寶承平時  
以見平淮之年云○紀事語不足憑究之柳雅劉詩遠遜韓碑李義山詩可取而  
也証

韋應物

學仙吟二首

昔有道士求神仙。靈真下試心。確然十鈞。巨石一髮懸。臥之石下。十三年存道忘身。一試過名。奏玉皇乃升天。雲氣冉冉漸不見。留語弟子。但精堅。

石上鑿井欲到水。情心一起中路止。豈不見古來三人俱弟兄。結茅深山讀仙經。上有青冥倚天之絕壁。下有颼颼萬壑之松聲。仙人變化為白鹿。二弟翫之兄誦讀。讀多七過可乞言。為子心精得神仙。可憐二弟仰天泣。一失毫釐千萬年。二章總言未道貴尊

聽鶯曲

東方欲曙花冥冥。啼鶯相喚亦可聽。乍去乍來時近遠。纔聞南陌又東城。忽往山林翻下苑。綿綿蠻蠻如有情。欲轉不轉意自嬌。羗兒弄笛曲未調。前聲後聲不相及。秦女學箏指猶濕。須臾風暖朝日曛。流音變作百鳥喧。誰家懶婦驚殘夢。何處愁人憶故園。伯勞飛過聲局促。戴勝下時桑田綠。不及流鶯日日啼。花間能使萬家春意開。有時斷續聽不了。飛去花枝猶裊裊。還栖碧樹鎖千門。春漏方殘一聲曉。

韓愈

昌黎從李杜崛起之後能不相沿習別開境界雖縱橫變化不迨李杜而規模堂廡彌見闊大洵雄傑之士

汴州亂二首

汴州城門朝不開。天狗墮地聲如雷。健兒爭誇殺留後。連屠累棟燒成灰。諸侯咫尺

須知是聽鶯起法

此識後  
息宗之姑

不能救孤士何者自興哀。汴州董晉平陸長源總留守事八日而畢亂殺長源公因此作詩  
母從子走者為誰大夫夫人留後兒昨日乘車騎大馬坐者起趨乘者下廟堂不肯  
用干戈嗚呼奈汝母子何

山石

山石華確行徑微。黃昏到寺蝙蝠飛。昇堂坐階新雨足。芭蕉葉大支子肥。僧言古壁  
佛畫好。以火來照所見稀。鋪床拂席置羹飯。疎糲亦足飽我飢。夜深靜臥百蟲絕。清  
月出嶺光入扉。天明獨去無道路。出入高下窮烟霏。山紅澗碧紛爛熳。時見松楸皆  
十圍。當流赤足踏澗石。水聲激激風吹衣。人生如此自可樂。豈必局促為人鞿。嗟哉  
吾黨二三子。安得至老不更歸。元遺山論詩絕云有情為藥含春淚無力蓄薇臥曉枝枯出退之山石句始知渠是女郎詩謂此篇有情

二句秦  
少游詩

雉帶箭

原頭火燒靜兀兀。野鷹畏雉出復沒。將軍欲以巧伏人。盤馬彎弓惜不發。地形漸窄  
觀者多。雉驚弓滿勁箭加。衝入決起百餘尺。紅翎白鏃隨傾斜。將軍仰笑軍吏賀。五  
色離披馬前墜。李將軍度不中不發發箭應弦而倒審量于未彎弓之先此發惜于已彎弓之候總不肯輕見其技也作文作詩亦須得此意

汗泗交流贈張僕射建封

發難得  
巧即前  
盤馬營  
弓注脚

賢哲心  
事光明  
磊落公  
所以三  
工宰相  
書也

以下皆  
功曹最

觀繁使  
作主  
唐時參  
軍有過

汗泗交流郡城角。菜場千步平如削。短垣三面綠逶迤。擊鼓騰騰樹赤旗。新秋朝涼未見日。公早結束來何為。分曹決勝約前定。百馬攢蹄近相映。毬驚杖奮合且雜。紅牛纓紉黃金羈。側身轉臂著馬腹。霹靂應手神珠馳。超遙散漫兩閒暇。揮霍紛紜爭變化。發難得巧意氣粗。謹聲四合壯士呼。此誠習戰非為劇。豈若安坐行良圖。當今忠臣不可得。公馬莫走須殺賊。

贈唐衢其人

虎有爪兮牛有角。虎可搏兮牛可觸。奈何君獨抱奇材。手把鉏犁餓空谷。當今天子急賢良。幽函朝出開明光。何不上書自薦達。坐令四海如虞唐。

八月十五夜贈張功曹

織雲四卷天無河。清風吹空月舒波。沙平水息聲影絕。一盃相屬君當歌。君歌聲酸

辭且苦。不能聽。終淚如雨。洞庭連天九疑高。蛟龍出没猩鼯號。十生九死到官所。幽

居默默如藏逃。下床畏蛇食果藥。海氣溼蟄熏腥臊。昨者州前擗大鼓。嗣皇繼聖登

慶。臯。赦。書。一。日。行。萬。里。罪。從。大。辟。皆。除。死。遣。者。追。回。流。者。還。滌。瑕。蕩。垢。垢。朝。清。班。州。家

由。名。使。家。抑。坎。軻。祇。得。移。荆。蠻。判。司。尊。官。不。堪。說。未。免。撫。楚。塵。埃。問。同。時。輩。流。多。上

道。天。路。幽。險。難。追。攀。君。歌。且。休。聽。我。歌。我。歌。今。與。君。殊。科。一。年。明。月。今。宵。多。人。生。由

上官符  
插楚之  
以下韓  
公之歌

東坡所  
謂力能  
開衡山  
之雲也

作詩主  
意

命非由他。有酒不飲。奈明何。

謁衡嶽廟。遂宿嶽寺。題門樓。在長沙湘潭縣南

五嶽祭秩皆三公。四方環鎮嵩當中。火維地荒足妖怪。天假神柄專其雄。噴雲泄霧藏半腹。雖有絕頂誰能窮。我來正逢秋雨節。陰氣晦昧無清風。潛心默禱若有應。豈非正直能感通。須臾靜掃衆峰出。仰見突兀撐青空。紫蓋連延接天柱。石廩騰擲堆祝融。森然動魄下馬拜。松柏一逕趨靈宮。粉牆丹柱動光彩。鬼物圖畫填青紅。升階偃僂薦脯酒。欲以菲薄明其衷。廟令老人識神意。昨時偵伺能鞠躬。手持盃珓尊我擲。云此最吉餘難同。竄逐蠻荒幸不死。衣食纔足甘長終。侯王將相望久絕。神縱欲福難為功。夜投佛寺上高閣。星月掩映雲腫朦。猿啼鐘動不知曙。杲杲寒日生于東。

嗟哉董生行

淮水出桐柏山。東馳遙遙千里不能休。淝水出其側。不能千里百里入淮流。壽州屬縣有安豐。唐貞元時。縣人董生召南隱居。行義於其中。刺史不能薦。天子不聞名聲。爵祿不及門。門外惟有吏。日來徵租更索錢。嗟哉董生。朝出耕。夜歸讀古人書。盡日不得息。或山而樵。或水而漁。入厨具甘旨。上堂問起居。父母不感感。妻子不咨咨。嗟哉董生。孝且慈。人不識。惟有天翁知。生祥下瑞無時期。家有狗乳出求食。雞來哺其

化及物  
類其人  
可知

兒。啄。庭。中。拾。蟲。蟻。哺。之。不。食。鳴。聲。悲。停。徨。躑。躅。久。不。去。以。冀。來。覆。待。狗。歸。嗟。哉。董  
生。誰。將。與。儔。時。之。人。夫。妻。相。害。兄。弟。為。讐。食。君。之。祿。而。令。父。母。愁。亦。獨。何。心。嗟。哉。董  
生。無。與。儔。此詩朱子取入小學中見考慈之行可以務武衆人也直白少文正是不可及處  
俞屏月云奇橫在月韻處賈下一筆然後截住以足上意如盡

日不得息亦獨  
何心等句是也

寒食日出遊 張十一院長見示病中憶花九  
篇寒食日出遊夜歸因以投贈

李。花。開。發。君。始。病。我。往。看。君。花。轉。盛。走。馬。城。西。惆。悵。歸。不。見。千。林。雪。相。映。爾。來。又。見  
桃。與。梨。交。開。紅。白。如。爭。競。可。憐。物。色。阻。攜。手。空。展。霜。縑。吟。九。詠。紛。紛。落。盡。泥。與。塵。不  
共。新。粧。比。端。正。桐。花。最。晚。今。已。繁。君。不。強。起。時。難。更。關。山。遠。別。固。其。理。寸。步。難。見。始  
知。命。憶。昔。與。君。同。貶。官。夜。渡。洞。庭。看。斗。柄。豈。料。生。還。得。一。處。引。袖。拭。淚。悲。且。慶。各。言  
生。死。兩。追。隨。直。置。心。親。無。貌。敬。念。君。又。署。南。荒。吏。路。指。鬼。門。幽。且。負。三。公。盡。是。知。音  
人。曷。不。薦。賢。陞。下。聖。囊。空。甑。倒。誰。救。之。我。今。一。食。日。還。併。自。然。憂。氣。損。天。和。安。得。康  
強。保。天。性。斷。鶴。兩。翅。鳴。何。哀。繫。驥。四。足。氣。空。橫。今。聞。寒。食。行。野。外。綠。楊。市。岸。蒲。生。迸  
宋。玉。庭。邊。不。見。人。輕。浪。參。差。魚。動。鏡。自。嗟。孤。賤。足。瑕。疵。特。見。放。縱。荷。寬。政。飲。酒。寧。嫌  
觥。底。深。題。詩。尚。倚。筆。鋒。勁。明。宵。故。欲。相。就。醉。有。月。莫。辭。當。火。令。

鄭羣贈草

自謂

與搗米  
當盡不  
得卧俱  
透過一  
層法

二拙並  
見為評  
事

白江陵  
法曹名  
為國子  
博士每  
文人每  
生此病  
亦可傳  
亦正在

新州笛竹天下知。鄭君所寶尤瑰奇。攜來當盡不得臥。一府傳看黃琉璃。體堅色淨又藏節。盡眼凝滑無瑕疵。法曹貧賤衆所易。腰腹空大何能為。自從五月困暑溼。如坐深甑遭蒸炊。手磨袖拂心語口。慢膚多汗真相宜。日暮歸來獨惆悵。有賣直欲傾家資。誰謂古人知我意。卷送八尺含風漪。呼奴掃地鋪未了。光彩照耀驚童兒。青蠅側翅蚤蟲避。肅肅疑有青飈吹。倒身甘寢百疾愈。却願天日恆炎曦。明珠青玉不足報。贈子相好無時衰。

贈崔立之評事 名斯立

崔侯文章苦捷敏。高浪駕天輸不盡。曾走闕外來上都。隨身卷軸車連軫。朝為百賦由鬱怒。暮作千詩轉道緊。搖毫擲簡自不供。頃刻青紅浮海蜃。才豪氣猛易語言。往往蛟螭雜蜈蚣。知音自古稱難遇。世俗乍見那妨哂。勿嫌法官未登朝。猶勝赤尉長趨尹。時命雖乖心轉壯。技能虛富家逾窘。念昔塵埃兩相逢。爭名齟齬持矛楯。子時專場誇筭距。余始張軍嚴鞬鞞。爾來但欲保封疆。莫學龐涓怯孫臏。竄逐新歸厭聞鬧。齒髮早衰嗟可閔。頻蒙怨句刺棄遺。豈有閒官敢推引。深藏篋笥時一發。戢戢已多如束筍。可憐無益費精神。有似黃金擲虛牝。當今聖人求侍從。拔擢杞梓收楛筍。東馬嚴徐已奮飛。枚臯即召窮且恐。復聞王師西討蜀。霜風冽冽摧朝菌。走章馳檄

在得賢。燕雀紛拏要鷹隼。竊料二途必處一。豈比恒人常蠢蠢。勸君韶養待徵招。不用雕琢愁肝腎。牆根菊花好沽酒。錢帛縱空衣可準。暉暉簷日暖且鮮。緘緘并梧疎。更酌高士例。須憐翅葉丈夫終莫生。畦吟能來取醉任。喧呼死後賢愚俱泯泯。

酬司馬盧四兄雲夫院長望秋作

長安雨洗新秋出。極目寒鏡開塵函。終南曉望躡龍尾。倚天更覺青巉巖。自知短淺無所補。從事久此穿朝衫。歸來得便即遊覽。暫似壯馬脫重銜。曲江荷花蓋十里。江湖生目思莫絨。樂遊下瞻無遠近。綠槐萍合不可芟。白首寓居誰借問。平地寸步局雲巖。雲夫老兄有狂氣。嗜好與俗殊酸醎。日來省我不肯去。論詩說賦相誦讀。望秋一章已驚絕。猶言低抑避謗讒。若使乘酣騎雄怪。造化可以當鑄剗。嗟我小生值強伴。怯膽變勇神明鑒。馳玩跨谷終未悔。為利而止真貪饒。高揖羣公謝名譽。速追甫白感至誠。樓頭完月不共宿。其奈就缺行攝攝。

和虞部盧四汀酬翰林錢七巖赤藤杖歌

赤藤為杖世未窺。臺郎始攜自滇池。滇王掃宮避使者。跪進再拜語嗚呼。繩橋柱過免傾隨。性命造次蒙扶持。途經百國皆莫識。君臣聚觀逐旌麾。共傳滇神出水獻。赤龍拔鬚血淋漓。又云羲和操火鞭。暝到西極睡。所遺幾重包裹自題署。不以珍怪誇



荒奇歸來捧贈同舍子。浮光照手欲把疑。空堂晝眠倚戶牖。飛電著壁搜蛟螭。南宮  
清深禁闈密。唱和有類吹塤篪。妍辭麗句不可繼。見寄聊且慰分司。

石鼓歌

張生手持石鼓文。勸我試作石鼓歌。少陵無人謫仙死。才薄將奈石鼓何。周網陵遲  
四海沸。宣王憤起揮天戈。大開明堂受朝賀。諸侯劍佩鳴相磨。蒐于岐陽騁雄俊。萬  
里禽獸皆遮羅。鐫功勒成告萬世。鑿石作鼓隳嵯峨。從臣才藝咸第一。揀選撰刻留  
山阿。雨淋日炙野大燎。鬼物守護煩撓呵。公從何處得紙本。毫髮盡備無差訛。辭嚴  
義密讀難曉。字體不類隸與蝌。年深豈免有缺畫。快劍斫斷生蛟鼉。鸞翔鳳翥眾仙  
下。珊瑚碧樹交枝柯。金繩鐵索鎖鈕壯。古鼎躍水龍騰梭。陋儒編詩不收入。二雅褊  
迫無委蛇。孔子西行不到秦。倚撫星宿遺羲娥。嗟余好古生苦晚。對此涕淚雙滂沱。  
憶昔初蒙博士徵。其年始改稱元和。故人從軍在右輔。為我度量掘白科。濯冠沐浴  
告祭酒。如此至寶存豈多。氊包席裹可立至。十鼓祇載數駱駝。薦諸太廟比郊鼎。光  
價豈止百倍過。聖恩若許留太學。諸生講解得切磋。觀經鴻都尚填咽。坐見舉國來  
奔波。剡苔剔蘚露節角。安置妥帖平不頗。大廈深簷與蓋覆。經歷久遠期無佗。中朝  
大官老於事。距肯感激徒婣婣。牧童敲火牛礪角。誰復著手為摩挲。日銷月鑠就理

陋儒指  
常時采  
風者言  
二雅不  
載孔子  
無從來  
取也馬  
有不滿  
孔子意

隸書風 俗通行 別千古 傳云俗 書無意 右軍意

如見其人

此與迎 佛骨同 見人主 之不察 也 中藏 稔 度之意

沒六年四顧空吟哦。羲之俗書趨安媚。數紙尚可博白鷺。繼周八代爭戰罷。無人收拾理則那。方今太平日無事。柄任儒術崇丘軻。安能以此上論列。願借辯口如懸河。石鼓之歌止於此。嗚呼吾意其蹉跎。今於石鼓永留太學昌黎詩為之先聲也典重和平與題相稱

華山女

街東街西講佛經。撞鐘吹螺開宮庭。廣張罪福資誘脅。聽眾狎恰排浮萍。黃衣道士亦講說。座下寥落如明星。華山女兒家奉道。欲驅異教歸仙靈。洗粧拭面著冠帔。白咽紅頰長眉青。遂來昇座演真訣。龍門不許人開局。不知誰人暗相報。旬然振動如雷霆。掃除眾寺人跡絕。驕驕塞路連輜輶。觀中人滿坐觀外。後至無地無由聽。抽釵脫釧解環佩。堆金疊玉光青荧。天門貴人傳詔召。六官願識師顏形。玉皇領首許歸去。乘龍駕鶴來青冥。豪家少年豈知道。來繞百市脚不停。雲窗霧閣事恍惚。重重翠幔深金屏。仙梯難攀俗緣重。浪憑青鳥通丁寧。謝自然詩顯斥之華山女詩微刺之謂避之此詩頗用假借豈其然乎

柳州羅池廟

荔子丹芳蕉黃雜佳蔬兮進侯堂。侯之舩兮兩旗度中流兮風泊之。待侯不來兮不知我悲。侯乘駒兮入廟。慰我民兮不嘖以笑。鷺之山兮柳之水。桂樹團團兮白石齒。

齒侯朝出遊兮暮來歸春與猿吟兮秋鶴與飛北方之人兮為侯是非千秋萬歲兮  
侯無我違福我兮壽我驅厲鬼兮山之左下無苦濕兮高無乾杭稌充羨兮蛇蛟結  
蟠我民報祀兮無怠其始自今兮欽於世世之遺

拘幽操

文王美里作

附集中少此格今附七言古後

目窈窕兮其凝其旨耳肅肅兮聽不聞聲朝不見日出兮夜不見月與星有知無知  
兮為死為生嗚呼臣罪當誅兮天王聖明此為人臣止於敬注脚也程伊川先生云道文王意中事前後人道不到此

越裳操

周公作

雨之施物以孳我何意於彼為自周之先其艱其勤以有疆宇私我後人我祖在上  
四方在下厥臨孔威敢戲以侮孰荒于門孰治于田四海既均越裳是臣孰荒孰治皆我祖所

監臨也

將歸操

孔子之趙聞殺鳴犢作

狄之水兮其色幽幽我將濟兮不得其由涉其淺兮石齧我足乘其深兮龍入我身  
我濟而悔兮將安歸尤歸兮歸兮無與石鬪兮無應龍求

猗蘭操

孔子傷不逢時作

蘭之猗猗揚揚其香不采而佩於蘭何傷今天之旋其曷為然我行四方以日為年雷

自若  
之性若  
子之傷  
正君子  
之守也

霜。質。質。薺。麥。之。茂。子。如。不。傷。我。不。爾。靚。薺。麥。之。茂。薺。麥。之。有。君。子。之。傷。君。子。之。守。

唐詩別裁集卷七終

*[Faint bleed-through text from the reverse side of the page, including characters like '霜質質薺麥之茂子如不傷我...']*

唐詩別裁集卷八

長洲沈德潛歸愚選

柳宗元

楊白花

楊白花楊大眼之子胡太后逼幸之白花懼禍面奔于梁太后作楊白花歌使宮人連臂踏蹄歌之

楊白花風吹渡江水坐令宮樹無顏色搖蕩春光千萬里茫茫曉月下長秋哀歌未

斷城鴉起

長秋宮太后所居通篇不露正旨而以長秋二字逗出用筆用意在微顯之間

漁翁

漁翁夜傍西巖宿曉汲清湘然楚竹煙消日出不見人歎乃一聲山水綠迴看天際

下中流巖上無心雲相逐

東坡謂刪去末二語餘情不盡信然

放鷓鴣詞

楚越有鳥甘且腴嘲嘲自鳴為鷓鴣狗媒得食不復慮機械潛發羅罝罩羽毛摧折觸籠彙烟火煽赫驚庖廚鼎前芍藥調五味膳夫攘腕左右視齊王不忍敲棘牛簡子亦放邯鄲鳩二人得意猶念此况我萬里為孤囚破籠展翅當遠去同類相呼莫相顧

聚蚊謠

見此後當自檢束勿更引為所引也

沉沉夏夜蘭臺開。飛蚊伺暗聲如雷。嘈然歛起初駭聽。殷殷若自南山來。喧騰鼓舞喜昏黑。昧者不分聰者惑。露花滴漉月上天。利嘴迎人著不得。我軀七尺爾如芒。我孤爾衆能我傷。天生有時不可遏。為爾設幄潛匡床。清商一來秋日曉。羞爾微形飼丹鳥。

與前首同  
一比例

顧

字通翁蘇州海鹽人與柳渾李必善渾輔政以校書徵必為  
况相稍遷著作郎坐詩語詞詆貶司戶參軍隱于茅山以壽終

短歌行有序

情思發動。聖賢所不免也。師乙陳其宜。延州審其音。理亂之所經。王化之所興也。信無逃於聲教。豈徒文彩之麗。遂作此歌。

城邊路。今人犂田。昔人墓岸。上沙石。時江水。今人家。今人昔人共長歎。四氣相催節。迴換。明月皎皎入華池。白雲離離渡青漢。我欲升天天隔霄。我欲渡水水無橋。我欲上山山路險。我欲汲井井泉遠。越人翠被今何夕。獨立沙邊江草碧。紫燕西飛欲寄書。白雲何處蓬萊客。

悠然  
神遠

新繫青絲百尺繩。心在君家轆轤上。我心皎潔君不知。轆轤一轉一惆悵。何處春風吹曉幕。江南淶水通朱閣。美人二八顏如花。泣向春風畏花落。臨春風聽春鳥。別上多見時少。愁人一夜不得眠。瑤井玉繩相對曉。

言個枕之無由上達  
也總以微婉出之

因 因良閔也 因音蹇閔俗呼子為因父為郎罷青箱雜記云唐世多取閔童為閔奴故况陳其苦以諷

因生閔方。閔吏得之。乃絕其陽。為臧為獲。致金滿屋。為髡為鉗。如視草木。天道無知。我罹其毒。神道無知。彼受其福。郎罷別因。吾悔生汝。及汝既生。人勸不舉。不從人言。果獲是苦。因別郎罷。心摧血下。隔地絕天。及至黃泉。不得在郎罷前。 閔童亦人子何罪而遭此毒耶

即事直書 問者足誠

白居易

七德舞

七德舞。七德歌。傳自武德至元和。元和小臣白居易。觀舞聽歌。知樂意。曲終稽首陳其事。太宗十八舉義兵。白旄黃鉞定兩京。擒充戮竇四海清。二十有九即帝位。三十有五致太平。功成理定何神速。速在推心致人腹。亡卒遺骸散。帛收飢人賣。子分金贖。魏徵夢見子夜泣。張謹哀聞辰日哭。怨女三千放出宮。死囚四百來歸獄。剪鬢燒藥賜功臣。李勣嗚咽思殺身。含血吮瘡撫戰士。思摩奮呼乞効死。不獨善戰善乘時。以心感人人心歸。爾來一百九十年。天下至今歌舞之。歌七德舞。七德聖人有作。垂無極。豈徒耀神武。豈徒誇聖文。太宗意在陳王業。王業艱難示子孫。 推心置腹通篇上意怨女一聯尤為警動縱因事啟公作論貶之然當時實為盛舉也宋太宗亦謂朕不及此

一句領起下文

海漫漫 戒求仙也

海漫漫。直下無底傍無邊。雲濤煙浪最深處。人傳中有三神山。山上多生不死藥。服之羽化為天仙。秦皇漢武信此語。方士年年採藥去。蓬萊今古但聞名。煙水茫茫無覓處。海漫漫。風皓皓。眼穿不見蓬萊島。不見蓬萊不敢歸。童男艸女舟中老。徐福文成多誑誕。上元太乙虛祈禱。君看驪山頂上茂陵頭。畢竟悲風吹蔓草。何況元元聖祖五十言。不言藥。不言仙。不言白日昇青天。此言求仙之妄也。唐代崇奉老子而五言中不言神仙恍惚可悟矣。原注天寶五載已後楊貴妃專寵後宮人無復進幸矣。六宮有美色者輒置別所。上陽是其一也。賈

上陽白髮人

愍怨曠也

元中尚存焉

上陽人。紅顏閣。老白髮。新綠衣。監使守宮門。一閉上陽多少春。明皇末歲初選入。入時十六今六十。同時采擇百餘人。零落年深殘此身。憶昔吞悲別親族。扶入車中不敢哭。皆云入內便承恩。臉似芙蓉胸似玉。未容君王得見面。已被楊妃遙側目。妬令潛配上陽宮。一生遂向空房宿。宿空房。秋夜長。夜長無寐天不明。耿耿殘燈照背影。蕭蕭閣雨打窗聲。春日遲。日遲獨坐天難暮。宮鶯百轉愁厭聞。梁燕雙棲老休妬。鶯歸燕去長悄然。春往秋來不記年。惟向深宮望明月。東西四百迴。圓今日宮中年。最老。大家還賜尚書號。小頭鞋底窄衣裳。青黛點眉眉細長。外人不見見應笑。天寶



楊國忠  
科開羅  
鳳前後  
二十餘

末年時世。糗上陽人。苦最多。少亦苦。老亦苦。少苦老苦。兩如何。君不見昔時呂尚美。  
人賦。原注。天寶末。有密采艷色者。當時號。又。不見。今日上陽宮人。白髮歌宮。望明月。

東。西。四。五。百。迴。國。二。語。已。見。宮。人。之。苦。而。楊。妃。之。嫉。妬。專。寵。足。以。致。亂。矣。女。禍。之。誠。十。古。昭。然。

### 新豐折臂翁 戒邊功也

新豐老人八十八。頭髻眉鬢皆似雪。元孫扶向店前行。左臂憑肩右臂折。問翁臂折  
來幾年。兼問致折何因緣。翁云。貫屬新豐縣。生逢聖代無征戰。慣聽梨園歌管聲。不  
識旗槍與弓箭。無何天寶大徵兵。戶有三丁點一丁。點得驅將何處去。五月萬里雲  
南行。聞道雲南有瀘水。板花落時瘴煙起。大軍徒涉水。如湯未過十人。二三死。村南  
村北哭聲哀。兒別耶孃夫別妻。皆云前後征蠻者。千萬人行無一迴。是時翁年二十  
四。兵部牒中有名字。夜深不敢使人知。偷將大石鎚折臂。張弓簸旗俱不堪。從茲始  
免征雲南。骨碎筋傷非不苦。且圖揀退歸鄉土。此臂折來六十年。一肢雖廢一身全。  
至今風雨陰寒夜。直到天明痛不眠。痛不眠終不悔。且喜老人今獨在。不然當時瀘  
水頭。身死魂飛骨不收。應作雲南望鄉鬼。萬人塚上哭啾啾。原注。雲南有萬人塚。即  
所。老人言。均聽取。君不聞。開元宰相宋。開府不賞邊功。防。韞武。又不聞。天寶宰相楊  
國忠。欲求恩幸。立邊功。邊功未立。生人怨。請問新豐折臂翁。窮兵黷武之禍。慨切言

唐詩刊成集 卷八 三 歸葉山房石印

萬去無  
返者

言見開寶治亂  
之機實分于此

百鍊鏡 美皇王鑒也

百鍊鏡鑿非常規。日辰所處靈且祇。江心波上舟中鑄。五月五日日午時。瓊粉金膏磨瑩已。化為一片秋潭水。鏡成將獻蓬萊宮。揚州長史手自封。人間臣妾不合照。背有九五飛天龍。人人呼為天子鏡。我有一言聞太宗。太宗常以人為鏡。鑒古鑒今。不鑒容四海安危。居掌內百王治亂懸其中。乃知天子別有鏡。不是揚州百鍊銅。

之鏡照一人君心之鏡照四海張  
曲江進千秋金鑑錄即是此意

青石 激忠烈也

青石出自藍田山。兼車運載來長安。工人磨琢欲何用。石不能言我代言。不願作人家墓前神道碣。墳土未乾名已滅。不願作官家道傍德政碑。不鷄寶錄鷄虛辭。願為顏氏段氏碑。雕鏤太尉與太師。刻此兩片堅金質。狀彼二人忠烈姿。義心若石屹不轉。死節名流確不移。如觀奮擊朱泚日。似見叱呵希烈時。各于其上題名謚。一置高山一沉水。陵谷雖遷碑獨存。骨化為塵名不死。長使不忠不烈臣。觀碑改節慕為人。慕為人勸事君。寫段顏二公凜凜有生氣。未勸人忠烈一篇主意。

八駿圖 戒奇物懲佚遊也

此宮民  
之人  
比諫臣  
不言  
比大臣  
不言  
竟無一  
言民究  
無可伸  
矣  
為尊者  
諱

穆王八駿天馬駒。後人愛之寫為圖。肯如龍兮頸如象。骨疎筋高肌肉壯。日行萬里  
速如飛。穆王獨乘何所之。四荒八極躅欲遍。三十二蹄無歇時。屬車軸折趨不及。黃  
屋草生棄若遺。瑤池西赴王母宴。七廟經年不親薦。璧臺南與盛姬遊。明堂不復朝  
諸侯。白雲黃竹歌聲動。一人荒樂萬人愁。周從后稷至文武。積德累功世勤苦。豈知  
纜及四代孫。心輕王業如灰土。由來无物不在大。能傷君心則為害。文帝卻之不肯  
乘千里馬去。漢道興穆王得之。不為戒。八駿駒來周室壞。至今此物世稱珍。不知房  
星之精下為害。八駿圖君莫愛。既佚道政治荒矣以漢文之

秦吉了 哀冤民也

秦吉了。出南中。彩毛青黑。花頸紅耳。聰心慧。古瑞巧。鳥語人言。無不通。昨日長爪鷲。  
今日大背鳥。鷲猶乳燕。一窠覆。鳥啄母雞。雙眼枯。雞號墮地。燕驚去。然後拾卵。攪其  
雛。豈無鵬與鷁。嗟中食飽不肯搏。亦有鸞鶴羣。閒立聽。高如不聞。秦吉了。人云爾。是  
能言鳥。豈不見。難燕之冤。苦吾聞。鳳凰百鳥主。爾竟不為。鳳凰之前。致一言。空多噪  
噪。閒言語。

長恨歌

漢王重色思傾國。御宇多年求不得。楊家有女初長成。養在深閨人未識。天生麗質

致禍之由

此言安

亂山之

如聞春

雷一聲

此言出

奔言幸

蜀此言自

蜀四

以葬

難自棄。一朝選在君王側。回頭一笑百媚生。六宮粉黛無顏色。春寒賜浴華清池。温

泉水滑洗凝脂。侍兒扶起嬌無力。始是新承恩澤時。雪鬢花顏金步搖。芙蓉帳暖度

春宵。春宵苦短日高起。從此君王不早朝。承歡侍宴無閒暇。春從春遊夜專夜。後宮

佳麗三千人。三千寵愛在一身。金屋粧成嬌侍夜。玉樓宴罷醉和春。姊妹兄弟皆列

王。可憐光彩生門戶。遂令天下父母心。不重生男重生女。驪宮高處入青雲。仙樂風

飄處處聞。緩歌慢舞凝絲竹。盡日君王看不足。漁陽鞞鼓動地來。驚破霓裳羽衣曲。

九重城闕煙塵生。千乘萬騎西南行。翠華搖搖行復止。西出都門百餘里。六軍不發

無奈何。宛轉蛾眉馬前死。花鈿委地無人收。翠翹金雀玉搔頭。君王掩面救不得。回

首血淚相和流。黃埃散漫風蕭索。雲棧縈紆登劍閣。峨嵋山下少人行。旌旗無光日

色薄。蜀江水碧蜀山青。聖主朝朝暮暮情。行宮見月傷心色。夜雨聞鈴腸斷聲。天旋

地轉迴龍馭。到此躊躇不能去。馬嵬坡下泥土中。不見玉顏空死處。君臣相顧盡沾

衣。東望都門信馬歸。歸來池苑皆依舊。太液芙蓉未央柳。芙蓉如面柳如眉。對此如

何不淚垂。春風桃李花開夜。秋雨梧桐葉落時。西宮南苑多秋草。落葉滿階紅不掃。

梨園弟子白髮新。椒房阿監青娥老。夕殿螢飛思悄然。孤燈挑盡未成眠。遶遶鐘鼓

初長夜。耿耿星河欲曙天。鴛鴦瓦冷霜華重。翡翠衾寒誰與共。悠悠生死別經年。魂

一段

著虛無  
縹緲字

知以下  
皆方士

誰言

寫淡語  
妙

迷離惚  
恍不問  
收結此  
正作法  
之妙

魄不曾來入夢臨印道士鴻都客能以精誠致魂魄為感君王轉展思遂教方士慙  
 慙覓排空馭氣奔如電升天入地求之遍上窮碧落下黃泉兩處茫茫皆不見忽聞  
 海上有仙山山在虛無縹緲間樓閣玲瓏五雲起其中綽約多仙子中有一人字太  
 真雪膚花貌參差是金闕西廂叩玉扃轉教小玉報雙成聞道漢家天子使九華帳  
 裏夢魂驚攬衣推枕起徘徊珠箔銀屏遷迤開雲鬢半偏新睡覺花冠不整下堂來  
 風吹仙袂飄飄舉猶是霓裳羽衣舞玉容寂寞淚闌干梨花一枝春帶雨含情凝涕  
 謝君王一別音容兩渺茫昭陽殿裏恩愛絕蓬萊宮中日月長回頭下望人寰處不  
 見長安見塵霧惟將舊物表深情鈿盒金釵寄將去釵留一股合一扇釵擘黃金合  
 分鈿但令心似金鈿堅天上人間會相見臨別殷勤重寄詞中有誓兩心知七月  
 七日長生殿夜半無人私語時在天願作比翼鳥在地願為連理枝天長地久有時  
 盡此恨綿綿無絕期此譏明皇之迷于色而不悟也以女寵幾于喪國應知從前之  
 逆信鈿釵私語為真而信其果為仙人也天下有妖艷之婦西成仙人者耶詩本  
 陳王楊虛駱而又如變化者矣時有一妓誇于人曰我能誦白學士長恨歌豈與  
 他妓等哉詩之見重于時如此

琵琶行 并序

元和十年予左遷九江郡司馬明年秋送客湓浦口聞舟中夜彈琵琶者聽其

唐詩別裁集

歸葉山房石印

以江月  
為文瀾

小臣復  
聲此餘  
聲也  
應江月

音。錚錚然有京都聲。問其人。本長安娼女。嘗學琵琶于穆曹二善才。年長色衰。委身為賈人婦。遂命酒使快彈數曲。曲罷。憫然自敘。少小時歡樂事。今漂淪憔悴。轉徙于江湖間。予出官二年。恬然自安。感斯人言。是夕始覺有遷謫意。因為長句歌以贈之。凡六百一十二言。命曰琵琶行。

浔陽江頭夜送客。楓葉荻花秋瑟瑟。主人下馬客在船。舉酒欲飲無管絃。醉不成歡慘將別。別時茫茫江浸月。忽聞水上琵琶聲。主人忘歸客不發。尋聲闇問彈者誰。琵琶聲停欲語遲。移舫相近邀相見。添酒回燈重開宴。千呼萬喚始出來。猶抱琵琶半遮面。轉軸撥絃三四聲。未成曲調先有情。絃絃掩抑聲聲思。似訴平生不得志。低眉信手續續彈。說盡心中無限事。輕攏慢撚。初為霓裳後六么。大絃嘈嘈如急雨。小絃切切如私語。嘈嘈切切錯雜彈。大珠小珠落玉盤。間關鶯語花底滑。幽咽泉流水下灘。水泉冷澁絃凝絕。凝絕不通聲暫歇。別有幽愁暗恨生。此時無聲復有聲。銀瓶乍破水漿迸。鐵騎突出刀鎗鳴。曲終收撥當心畫。四絃一聲如裂帛。東船西舫悄無言。唯見江心秋月白。沉吟放撥插絃中。整頓衣裳起斂容。自言本是京城女。家在蝦蟆陵下住。十三學得琵琶成。名屬教坊第一部。曲罷能教善才服。粧成每被秋娘妬。五陵年少爭纏頭。一曲紅綃不知數。鈿頭銀篋擊節碎。血色羅裙翻酒污。

又應江  
一月語通  
萬間健

今年歡笑復明年。秋月春風等閑度。弟走從軍阿姨死。暮去朝來顏色故。門前冷落鞍馬稀。老大嫁作商人婦。商人重利輕別離。前月浮梁買茶去。去來江口守空船。遠船明月江水寒。夜深忽夢少年事。夢啼紅淚紅闌干。我聞琵琶已歎息。又聞此語重唧唧。同是天涯淪落人。相逢何必曾相識。我從去年辭帝京。謫居臥病潯陽城。潯陽地僻無音樂。終歲不聞絲竹聲。住近湓江地低濕。黃蘆苦竹遶宅生。其間旦暮聞何物。杜鵑啼血猿哀鳴。春江花朝秋月夜。往往取酒還獨傾。豈無山歌與村笛。嘔啞嘲晰難為聽。今夜聞君琵琶語。如聽仙樂耳暫明。莫辭更坐彈一曲。為君翻作琵琶行。感我此言良久立。卻坐促絃更急。淒淒不似向前聲。滿座重聞皆掩泣。座中泣下誰最多。江州司馬青衫濕。  
寫同病相憐之意。惻惻動人。諸本此時無聲。勝有聲。既無聲矣。下二句如何接出。宋本無聲。復有聲。為佳。而可貴如此。

真娘墓 墓在虎丘寺

真娘墓。虎丘道。不識真娘鏡中面。惟見真娘墓頭草。霜摧桃李風折蓮。真娘死時猶少年。脂膚羨手不牢固。世間有物難留連。難留連。易消歇。塞北花。江南雪。  
不著跡象。高于衆作。

夢得云香魂雖死人不  
不怕真可笑人也

寒食野望吟

邱墟郭門外。寒食誰家哭。風吹曠野紙錢飛。古墓纍纍春草綠。棠梨花映白楊樹。盡是死生離別處。冥漠重泉哭。不聞蕭蕭風雨人。歸去。

醉後狂言酬贈蕭殷二協律

餘杭邑容多羈貧。其間甚者蕭與殷。天寒身上猶衣葛。日高甌中未拂塵。江城山寺十一月。北風吹沙雪紛紛。賓客不見絳袍惠。黎庶未沾襦袴恩。此時太守自慚愧。重衣複衾有餘溫。因命染人與針女。先製兩裘贈二君。吳綿細軟桂布密。柔如狐腋白似雲。勞將詩書投贈我。如此小惠何足論。我有大裘君未見。寬廣和暖如陽春。此裘非繒亦非纊。裁以法度絮似仁。刀尺鈍拙製未畢。出亦不獨裹一身。若令在郡得五考。與君展覆杭州人。欲通覆杭州人實有所難然居官者不可不

元

稹字微之河南人元和初對策第一官左拾遺後侍中元九士良擊復敗稹辭進帝大悅擢祠部郎中依中人進朝論鄙之又連次欲傾裴度蓋兩書門下平章事始忤中元九節度使卒○白樂天同對策同倡和詩稱元白體其實遠不逮白○除直中皆雅音元意拙語纖又流于滄東坡品為元輕白俗非定論也茲特取上言去四章近體不在此數

連昌宮詞

連昌宮中滿宮竹。歲久無人森自束。又有牆頭千葉桃。風動落花紅蔌蔌。宮邊老人



他本作  
 初過誤  
 質懷智  
 猶頌  
 尚在禁  
 烟故下  
 云特款  
 邵王善  
 吹小管  
 疎山之  
 亂說得  
 太輕  
 郭子儀  
 壯復兩  
 肅代德  
 憲順穆  
 此一良  
 神來之  
 筆上之  
 師筆之  
 風筆之  
 音  
 開元天  
 寶之治  
 亂激之

為予泣。小年進食曾困入。上皇正在望仙樓。太真同凭闌干立。樓上樓前盡珠翠。炫  
 轉熒煌照天地。歸來如夢亦如癡。何暇備言宮裏事。初屋寒食一百六。店舍無煙宮  
 樹綠。夜半月高絃索鳴。賀老琵琶定場屋。力士傳呼覓念奴。念奴潛伴諸郎宿。須臾  
 覓得又連催。特勅街中許然燭。春郊滿眼睡紅綃。掠削雲鬟旋裝束。飛上九天歌一  
 聲。二十五郎吹管逐。逡巡大過涼州徹。色色龜茲轟綠綺。李謩摩笛傍宮牆。偷得新  
 翻數般曲。平明大駕發行宮。萬人鼓舞途路中。百官隊伍避歧薛。楊氏諸姨車鬪風。  
 明年十月東都破。御路猶存祿山過。驅令供頓不敢藏。萬姓無聲淚潛墮。兩京定後  
 六七年。却尋家舍行宮前。莊園燒盡有枯井。行宮門閉樹宛然。爾後相傳六皇帝。不  
 到離宮門久閉。往來年少說長安。元武樓成華萼廢。去年勅使因斫竹。偶值門開暫  
 相逐。荆榛槲比塞池塘。孤兔嬌癡緣樹木。舞榭歌傾基尚存。文窗窈窕紗猶綠。塵埋  
 粉壁。舊花鈿鳥啄。風箏碎珠玉。上皇偏愛臨砌花。依然御榻臨階斜。虵出燕窠盤鬪  
 棋。菌生香案正當衙。寢殿相連端正樓。太真梳洗樓上頭。晨光未出簾影黑。至今反  
 挂珊瑚鈎。指示傍人因慟哭。卻出宮門淚相續。自從此後還閉門。夜夜狐狸上門屋。  
 我聞此語心骨悲。太平誰致亂者誰。翁言野父何分別。耳聞眼見為君說。姚崇宋璟  
 作相公。勸諫上皇言語切。變理陰陽未泰豐。調和中外無兵戎。長官清貧太守好。揀

豈不知而必野老此立言之失他本誤相公誤不應作言林甫國忠人皆知其姦不必微言李綺劉關吳元濟結似瑞重然通為無讀武意內尚無根

選皆言由至公。開元之末姚宋死。朝庭漸漸由妃子。祿山宮中養作兒。號國門前鬧。如市弄權。宰相不記名。依稀憶得楊與李。廟謨顛倒四海搖。五十年來作瘡痂。今皇神聖丞相明。詔書纔下吳蜀平。官軍又取淮西賊。此賊亦除天下寧。年年耕種宮前道。今年不遣子孫耕。老翁此意深望幸。努力廟謨休用兵。詩中既有指斥似可不選。然微之起擢因中人崔潭峻。直此詩宮中呼為元才子。亦因此詩又諸家選本與長恨歌琵琶行並存。所謂元白體也。故已置而仍存之。

有鳥

有鳥有鳥如鸛雀。食蛇抱磬天姿惡。行經水滸為毒流。羽拂酒盃為死藥。漢后忍渴天豈知。驪姬墮地君寧覺。嗚呼惟有白色毛。亦得乘軒謬稱鶴。刺有文采而中毒螫者

冬白紵

吳宮夜長宮漏歇。簾幕四垂燈焰煖。西施自舞王自管。雪紵翻翻鶴翎散。上聲促節牽繁舞腰嬾。舞腰嬾。王罷飲。蓋覆西施。鳳花錦。身作匡床臂為枕。朝佩縱。玉王晏寢。寢醒聞報門無事。子胥死後言為諱。近王之臣諭王意共笑。越王窮惴惴。夜夜抱冰寒不眠。

田家詞

牛。既。既。田。确。确。早。塊。敲。牛。蹄。躑。躑。種。得。官。倉。珠。顆。數。六。十。年。來。兵。簇。簇。月。月。食。糧。車。

輓輓。一日官軍收海服。驅牛駕車食牛肉。歸來收得牛兩角。重鑄鋤犁作斤劇。姑春婦擔去輸官。輸官不足歸賣屋。願官早勝。雖早覆農死。有兒牛有犢。不遺官軍糧。不足音節入古

戴叔倫字幼公。金壇人。蕭穎士弟子。劉晏掌鹽鐵。表主。管湖。南。歷。撫。州。刺。史。客。管。經。畧。使。所。至。治。行。稱。最。

女耕田行

乳鷺入巢。笋成竹。誰家二女種新穀。無人無牛不及犁。持刀斫地翻作泥。自言家貧母年老。長兄從軍未娶嫂。去年災疫牛困空。截絹買刀都市中。頭巾掩面畏人識。以刀代牛誰與同。姊妹相攜心正苦。不見路。人惟見土。疏通畦壠防亂苗。整頓溝塍待時雨。日正南岡下餉歸。可憐朝雉擾驚飛。東鄰西舍花發盡。共惜餘芳淚滿衣。末二語一

視愈見二女之苦二女之正

李

紳字公垂。亳州人。元和初。補國子助教。累遷中書舍人。武宗即位。拜中書中。餐。粒。粒。皆。平。苦。呂。溫。見。之。曰。他。日。必。為。宰。相。果。如。其。言。

悲善才并序

余守郡日。有客遊者。善彈琵琶。問其所傳。乃善才所授。頃在內庭。日別承恩。願賜宴曲江。勅善才等二十人備樂。自余經播遷。善才已歿。因追前事。為悲善才。

從賜宴  
入曲江說

兼言二

丁八備

樂

穆皇宴

駕紳亦

播遷

此言善

才殺後

聽其指

授者彈

回環賜

宴曲江

李益

復聽善才弟子彈絃淒怨  
未路雙收兩層神情無限

穆皇夜幸蓬池。曲金鑿殿開高東燭。東頭弟子曹善才。琵琶請奏新翻曲。翠蛾列坐  
層城女。笙笛參差齊笑語。天顏靜聽朱絲彈。眾樂寂然無敢舉。銜花金鳳當承撥。轉  
腕攏絃促揮抹。扶花翻鳳天上來。徘徊滿殿飛春雪。抽絃度曲新聲發。金鈴玉珮相  
嗟切。流鶯子母飛上林。仙鶴雌雄咬明月。此時奉詔侍金鑿。別殿承恩許召看。三月  
曲江春草綠。九霄天樂下雲端。紫髯供奉前屈膝。盡彈妙曲當春日。寒泉注射隴水  
開。塞雁翻飛朔天沒。日曛塵暗車馬散。為惜新聲有餘歎。明年冠劍閉橋山。萬里孤  
臣投海畔。籠禽鐵翮尚還飛。白首生從王嶺歸。聞道善才成朽骨。空餘弟子奉宣徽。  
南譙寂寞三春晚。有客彈絃獨淒怨。靜聽深奏楚明光。憶昔初聞曲。江宴心悲不覺  
淚。關干更為調絃反覆彈。秋吹動搖神女佩。月珠敲擊水晶盤。自憐淮海同泥滓。恨  
魄癡心未能死。惆悵追懷萬事空。雁門琴感徒為爾。題係守郡說入詩却先寫賜宴  
曲江宛曲林清無後轉入播遷

夜上西城聽梁州

行人夜上西城宿。聽唱梁州雙管逐。此時秋月滿關山。何處關山無此曲。鴻雁新從  
北地來。聞聲一半却飛回。金河戍客腸應斷。更在秋風百尺臺。

野田行

日沒出古城。野田何茫茫。寒狐嘯青塚。鬼火燒白楊。昔人未為泉。下客行到此。中曾斷腸。

登夏州城樓觀征人賦得六州胡兒歌

六州胡兒六蕃語。十歲騎羊逐沙鼠。沙頭牧馬孤雁飛。漢軍遊騎貂錦衣。雲中征戍三千里。今日征行何處歸。無定河邊數株柳。共送行人一杯酒。胡兒起作和蕃歌。齊唱鳴嗚盡垂手。心知舊國西州遠。西向胡天望鄉久。回身忽作異方聲。一聲回盡征人首。蕃音虜曲直難分。似說邊情向塞雲。故國關山無限路。風沙滿眼斷征魂。不見

天邊青作塚。

古來愁殺漢昭君。

君虞最長邊塞詩不獨人樂峯前一絕足以動人

楊巨源

字景山河中人貞元中進士自秘書郎累遷國子司業年七十致仕歸時穿白河中少尹俸食祿終其身

楊花落

北斗南回春物老。紅英落盡綠尚早。韶風澹蕩無所依。偏惜垂楊作春好。此時可憐楊柳花。榮盈艷曳滿人家。人家女兒出羅幙。靜掃玉庭待花落。實環纖手捧更飛。翠羽輕裾承不著。歷歷瑤琴舞態陳。霏紅拂黛憐玉人。東園桃李芳已歇。獨有楊花嬌

暮春。

兒童捉柳花無甚清味美人游戲楊花風神無限矣實環纖手一聯形容盡善

張

籍張王樂府有新聲而少古意王漁洋所謂不曾辛苦學妃稀也然心思之巧辭句之為最易啟人聰穎高青邱每肖之存之以備一格○文昌有節婦吟時在他鎮幕府郭帥李師道以書幣聘之因作此詞以却然玩辭意恐失節婦之旨故不錄

古釵歎

古釵墮井無顏色。百尺泥中今復得。鳳凰宛轉有古儀。欲為首飾不稱時。女伴傳者不知主。羅袖拂拭生光輝。蘭膏已盡股半折。雕文刻樣無年月。雖離井底入匣中。不用還與墜時同。

征婦怨

九月匈奴殺邊將。漢軍全沒遼水上。萬里無人收白骨。家家城下招魂葬。婦人依倚子與夫。同居貧賤心亦舒。夫死戰場子腹妾身雖存如畫燭。李華吊古戰場文篇中可云縮本

傷歌行

黃門詔下促收捕。京兆尹繫御史府。出門無復部曲隨。親戚相逢不容語。辭成謫尉南海州。受命不得須臾留。身著青衫騎惡馬。東門之外無送者。郵夫防吏急喧驅。往往驚墮馬蹄下。長安里中荒火宅。朱門已除十二戟。高堂舞榭鎖管絃。美人遙望西

南天。此為楊憑貶臨賀尉而作憑為京兆尹廣善姬妾葉第踰制為人糾劾敗之

烏棲曲

西山作宮花滿池。宮鳥曉鳴。茱萸枝。吳姬採蓮。自唱曲。君王昨夜船中宿。

短歌行

青天蕩蕩高且虛。上有白石無根株。流光暫出還入地。使我年少不須臾。與君相逢勿寂寞。衰老不復如今樂。金卮盛酒置君前。再拜勸君千萬年。祝辭正是可傷之處

野老歌

老翁家貧在山住。耕種山田三四畝。苗疎稅多不得食。輸入官倉化為土。歲暮耜犁倚空室。呼兒登山收橡實。西江賈客珠成斛。船中養犬長食肉。

北邙行

洛陽北門北邙道。喪車轉轉入秋草。車前齊唱薤露歌。高墳新起日叢叢。朝朝暮暮人送葬。洛陽城中人更多。千金立碑高百尺。終作誰家柱下石。山頭松柏半無主。地下白骨多於土。寒食家家送紙錢。烏為作窠銜上樹。人居朝市未解愁。請君暫向北邙遊。

送遠曲

戲馬臺南山簇簇。山邊飲酒歌別曲。行人醉後起登車。席上回尊勸僮僕。青天漫漫覆長路。遠遊無家安得住。願君到處自題名。他日知君從此去。

沉溺於  
藝者讀  
此可以  
恍然

王建 字仲初。潯州人。成進士。官昭應縣丞。轉太常寺丞。終  
陝州司馬。建與張籍友善。工為樂府。故張王並名。

田家行

男聲欣欣女顏悅。人家不怨言語別。五月雖熟麥風清。簷頭索索綠車鳴。野蠶在繭  
人不取。葉間撲撲秋蛾生。麥收上場絹在軸。的知輸得官家足。不望入口復上身。且  
免向城賣黃犢。田家衣食無厚薄。不見縣門身即樂。

當窗織

歎息復歎息。園中有桑行人食。貧家女為富家織。翁母隔牆不得力。水寒手澁絲脆  
斷。續來續去心腸爛。草蟲促促機下啼。兩日催成一匹半。輸官上頭有零落。姑未得  
衣身不著。當窗卻羨青樓倡。十指不動衣盈箱。

鏡聽詞

重重摩挲嫁時鏡。夫婿遠行憑鏡聽。回身不遣別人知。人意丁寧鏡神聖。懷中妝拾  
雙錦帶。恐畏街頭見。驚怪嗟嗟。下堂階。獨自竈下來。跪拜出門。願不聞悲哀。郎  
在任郎。回未回。月明地上人過盡。好語多同。皆道來。卷帷上床。喜不定。與郎裁衣失  
翻正。可中三日得相見。重見繡囊磨鏡面。摹寫兒女子聲

望夫石

本意薄  
之然衣  
字失言  
矣

守此語  
便為良  
農



古樂有  
神理

望夫處。江悠悠。化為石。不回頭。山頭日日風。復雨行人歸。來石應語。

短歌行

人初生。日初出。上山遶。下山疾。百年三萬六千朝。夜裏分將強半日。有歌有舞須早為。昨日健於今日時。人家見生男女好。不知男女催人老。短歌行。無樂聲。讀此辭覺

碌碌為兒孫作馬牛者真痴絕也

行見月

月初生。居人見。月一月行。行行一年十二月。強半馬上看。盈缺百年歡樂能幾何。在家見少行見多。不緣衣食相驅遣。此身誰願長奔波。箇中有帛倉有粟。豈向天涯走碌碌。家人見月望我歸。正是道上思家時。

羨蠶辭

蠶欲老。箔頭作繭絲皓皓。場寬地高風日多。不向空庭戀萬草。神蠶急作莫悠揚。年來為爾祭神桑。但得青天不下雨。上無蒼蠅下無鼠。新婦拜羨願繭稠。女麗桃漿男打鼓。三日開箔雪團團。先將新繭送縣官。已聞鄉里催織作。去與誰人身上著。意亦他人

同有然此  
魔入情

李

賀字長吉系出鄭王後七歲能辭章韓昌黎皇甫特正訪之賀賦高軒過

奉禮終年三十七。○長吉詩依約楚騷而意取與辭取環奇往往先成得意句投錦囊中然後足成之所以每難疏解母氏為兒當嘔心者此也使天假以年必更進大方然天地間不可無此種文筆有樂天之易自應有長吉之難特取明麗幾章以志哇遠之變

高軒過 并序

韓員外愈皇甫侍御湜見過因而令作

華裾織翠青如蔥。金環壓轡搖玲瓏。馬蹄隱耳聲隆隆。入門下馬氣如虹。云是東京才子。文章鉅公。二十八宿羅心胸。元精耿耿貫當中。殿前作賦聲摩空。筆補造化天無功。龐眉書客感秋蓬。誰知死草生華風。我今垂翅附冥鴻。他日不羞蛇作龍。

雁門太守行

黑雲壓城城欲摧。甲光向日金鱗開。角聲滿天秋色裏。塞上燕脂凝夜紫。半捲紅旗臨易水。霜重鼓寒聲不起。報君黃金臺上意。提攜玉龍為君死。  
集字中定推老成之作

金銅仙人辭漢歌 并序

魏明帝青龍元年八月。詔宮官牽車。西取漢孝武捧露盤仙人。欲立置前殿。宮

官既折盤仙人臨載。乃潸然淚下。唐諸王孫李長吉。遂作金銅仙人辭漢歌。

茂陵劉郎秋風客。夜聞馬嘶曉無跡。畫欄桂樹懸秋香。三十六宮土花碧。魏官牽車指千里。東關酸風射眸子。空將漢月出宮門。憶君清淚如鈿水。哀蘭送客咸陽道。天

少承露 盤意便 嫌無根

精光煜 輪四語 韓公是 以當之 言已欲 附二公 後 陰雲滿 天忽露 赤日實 有此景

奇句

若○有○情○天○亦○老○攜○盤○獨○出○月○荒○涼○渭○城○已○遠○波○聲○小○漢武有秋風辭逆名秋風客好

心可見茲以無情日之寫胸中憤懣不平而年命之促已兆于此

春坊正字劍子歌

先○輩○匣○中○三○尺○水○曾○入○吳○淖○斬○龍○子○隙○月○斜○明○刮○露○寒○練○帶○平○鋪○吹○不○起○蛟○胎○皮○老  
羨○蒸○刺○鷓○鴒○淬○花○白○鷓○尾○直○是○荆○軻○一○片○心○莫○教○照○見○春○坊○字○授○絲○圖○金○懸○麗○殺○神  
光○欲○截○藍○田○玉○提○出○西○方○白○帝○驚○嗷○嗷○鬼○母○秋○效○哭○從來寫劍者只形其利此并傳其神末暗用漢祖斬白蛇事

將進酒

琉○璃○鐘○琥○珀○濃○小○槽○酒○滴○真○珠○紅○烹○龍○炮○鳳○玉○脂○泣○羅○屏○繡○幙○圍○香○風○吹○龍○笛○擊○鼉  
鼓○皓○齒○歌○細○腰○舞○况○是○青○春○日○將○暮○桃○花○亂○落○如○紅○雨○勸○君○終○日○酌○酌○醉○酒○不○到○劉  
伶○墳○上○土○達人之言

美人梳頭

西○施○曉○夢○綃○帳○寒○香○鬟○墮○髻○半○沉○檀○輓○轡○呀○啞○轉○鳴○玉○驚○起○芙○蓉○睡○新○足○雙○鸞○開○鏡  
秋○水○光○解○鬟○臨○鏡○立○象○床○一○編○香○絲○雲○撒○地○玉○釵○落○處○無○聲○膩○纖○手○卻○盤○老○鴉○色○翠  
滑○寶○釵○簪○不○得○春○風○爛○漫○溼○嬌○慵○十○八○鬟○多○無○氣○力○妝○成○髮○鬢○歌○不○斜○雲○裾○數○步○踏  
雁○沙○背○人○不○語○向○何○處○下○階○自○折○櫻○桃○花

髮長也

梳頭以後之神

佳句不須雕刻

李商隱

字義山河南人開成中進士官弘農尉會昌中王茂元鎮河陽辟為掌書記得侍御史茂元以子妻之李德裕秉政厚過之李宗閔黨與德裕

柳仲郢鎮東蜀辟為節度判官大中未仲郢左遷商隱罷未幾卒○商隱詩文工於頽祭典瞻過溫庭筠宋代楊大年諸人宗之號西崑體

韓碑

元和天子神武姿。彼何人哉。軒與羲。誓將上雪列聖恥。坐法宮中朝四夸。淮西有賊五十載。封狼生。豨生豨。不據山河據平地。長戈利矛日可麾。帝得聖相相曰度。賊所不死神扶持。腰懸相印作都統。陰氣慘澹天王旗。愬武古通作牙爪。儀曹外郎載筆隨。行軍司馬智且勇。十四萬眾猶虎貔。入蔡縛賊獻太廟。功無與讓恩不訾。帝曰汝度功第一。汝從事愈宜為辭。愈拜稽首蹈且舞。金石刻畫臣能為。古者世稱大手筆。此事不係于職司。當仁自古有不讓。言訖虜領天子頤。公退齋戒坐小閣。濡染大筆何淋漓。點竄堯典舜典字。塗改清廟生民詩。文成破體書在紙。清晨再拜鋪丹墀。表曰。臣愈昧死上。詠神聖功書之碑。碑高三丈字如斗。負以靈龜蟠以螭。句奇語重。前者少讒之。天子言其私。長繩百尺拽碑倒。麤砂大石相磨治。公之斯文若元氣。先時已入人肝脾。湯盤孔鼎有述作。今其無器存。其辭嗚呼聖王及聖相。相與煊赫流淳熙。公之斯文不示後。曷與三五相攀追。願書萬本誦萬過。口角流沫右手胝。傳之

四字品  
定韓公  
詩文

七十有二代。以為封禪。王檢明堂基。晚唐人士詩體鮮柔媚近詩餘矣即義山七古亦以辭勝獨此篇意則正堂堂辭則鷹揚鳳

廟在爾時如景星慶雲偶然一見。段文昌改作亦自明順。然較之韓碑不啻蟲吟草間矣。宋代陳珣磨去段文仍立韓碑。天是快事。

陳 閔 未詳

宿北樂館

欲眠不眠夜深淺。越鳥一聲空山遠。庭木蕭蕭落葉時。溪聲雨聲聽不辨。溪流游蕩風習習。燈影山光滿窗入。棟裏不知潭是雲。曉來但覺衣裳濕。清幽何減孟襄陽歸鹿門作而天然有升

降之別氣味有厚薄也

張 必必淮南人初官句容尉南唐後主徵為監察御史官至中書舍人入宋後不出

春晚謠

雨微微。煙霏霏。小庭半拆紅薔薇。細箏斜倚畫屏曲。零落幾行金雁飛。蕭闌夢斷無尋處。萬疊春波起南浦。凌亂楊花撲繡簾。曉窗時有流鶯語。

春雨

雨溟溟。風泠泠。老松瘦竹臨煙汀。空江冷落野雲重。雲中孤月微如星。夜驚溪上漁人起。滴瀝蓬聲滿愁耳。子規啼斷獨未眠。卷岸春濤打船尾。

鮑君徽字文姬善詞賦德宗時人與宋氏五女學士齊名

是雨後微月

女學士  
品

惜春花  
枝上花。花下人。可憐顏色俱青春。昨日看花花灼灼。今日看花花欲落。不如盡此花  
下歡。莫待春風總吹卻。鶯歌蝶舞媚韶光。紅爐煮茗松花香。妝成形影自矜惜。獨把  
花枝歸洞房。

張夫人 戶部侍郎  
吉中孚室

拜新月

拜新月。拜月出堂前。暗魄初籠桂。虛弓未引弦。拜新月。拜月妝樓上。鸞鏡未安臺。蛾  
眉已相向。拜新月。拜月不勝情。庭前風露清。月臨人自老。人望月長生。東家阿母亦  
拜月。一拜一悲聲。斷絕昔年拜月。月。送容輝。如今拜月。雙淚垂。回看眾女拜新月。却憶  
閨中年少時。

裴羽仙 夫其姓裴悅室也悅征句奴不歸羽仙賦  
邊將詩以寫憂鬱後寄夫征衣并系以詩

寄夫征衣

深閨乍冷開香匣。玉筋微微濕紅頰。一陣霜風殺柳條。濃烟半夜成黃葉。重重白練  
如霜雪。獨下寒階轉淒切。祇知抱杵搗秋砧。不覺高樓已無月。時聞寒鴉呼喚。紗  
窗只有燈相伴。幾展齊紈又懶裁。離腸空逐金刀斷。細想儀容執刀尺。回刀剪破澄

單句用  
韻  
名士老  
年回憶  
青燈誦  
讀時亦  
復如是

江○色○愁○捻○銀○鉞○信○手○縫○惆○悵○無○人○試○寬○窄○時○時○舉○袖○勻○殘○淚○紅○箋○漫○有○千○行○字○書○中○  
不○盡○心○中○事○一○半○殷○勤○托○邊○使○

僧隱巖

時代無可考  
故附于末

蜀中送人遊廬山

君○行○正○值○芳○春○月○蜀○道○千○山○皆○秀○發○谿○邊○十○里○五○里○花○雲○外○三○峰○兩○峰○雪○君○上○匡○山○  
我○舊○居○松○蘿○拋○擲○十○年○餘○君○行○試○到○山○前○問○山○鳥○只○今○相○憶○無○

唐詩別裁集卷八終

唐詩別裁集卷八終  
 此卷收錄唐人詩歌，內容豐富，包括五言、七言、古體、律詩、絕句等各種詩體。詩歌內容多描寫自然風物、抒發個人情感、反映社會現實。本卷所收詩歌，均為歷代詩論家所推許之佳作，其藝術成就之高，實為中國詩史所罕見。



唐詩別裁集卷九

長洲沈德潛歸愚選

五言律詩

玄宗皇帝

姓李諱隆基睿宗子靖內難即位開元中任姚崇宋璟韓休張九齡諸人治稱太平天寶後任李林甫楊國忠內寵貴妃外寵邊將治亂較然矣安祿山反幸蜀太子即位靈武明年還京居西內崩唐祚自此不復再振太宗高宗中宗皆有詩然承陳隋之後古律俱未諧故以玄宗為始冠於唐初諸臣之上尊君也

經魯祭孔子而歎之

夫子何為者。栖棲一代中。地猶鄆氏邑。宅即魯王宮。歎鳳嗟身否。傷麟怨道窮。今看

兩楹奠。當與夢時同。孔子之道從何處贊歎故只就不過立言此即運意高處

送賀知章

遊榮期入道。辭老竟抽簪。豈不惜賢達。其如高尚心。寰中得秘要。方外散幽襟。獨有青門餞。群僚悵別深。朱子云越州有石刻唐朝臣送賀知章詩只

幸蜀西至劍門

至劍門而解出符回未解

劍閣橫雲峻。鑿輿出狩回。翠屏千仞合。丹嶂五丁開。灌木縈旗轉。仙雲拂馬來。乘時方在德。嗟爾勒銘才。雄健有力開盛唐一代先聲

晉張載有劍閣銘

王績

野望

東臯薄暮望。徙倚欲何依。樹樹皆秋色。山山唯落暉。牧童驅犢返。獵馬帶禽歸。相顧無相識。長歌懷采薇。  
五言律前此失嚴者多應以此章為首。通章只無相識意。懷采薇偶然興寄古人也。說詩家謂感隋之將亡。毋乃穿鑿。

王勃

別薛華

送送多窮路。遑遑獨問津。悲涼千里道。悽斷百年身。心事同漂泊。生涯共苦辛。無論去與往。俱是夢中人。

杜少府之任蜀州

城闕輔三秦。風煙望五津。與君離別意。同是宦遊人。海內存知己。天涯若比鄰。無為在岐路。兒女共霑巾。

楊炯

炯。華陰人。舉神童。為弘文館學士。則天初。左遷梓州參軍。終盈川令。炯與王勃。盧照鄰。駱賓王。以文詞齊名。稱王楊盧駱。炯曰。我愧在盧前。取

居王後。蓋不滿于子安也。

從軍行

烽火照玉京。心中自不平。牙璋辭鳳闕。鐵騎繞龍城。雪暗凋旗畫。風多雜鼓聲。寧為

己處所  
蜀地少  
府任所

百夫長。勝作一書生。此說言用武効力勝於一經自守。唐汝詢為朝廷尊寵武臣而盈川抱才不遇。故爾心中不平。亦近於鑿。

盧照鄰

春晚山莊率題

田家無四鄰。獨坐一園春。鶯啼非選樹。魚戲不驚綸。山水彈琴盡。風花酌酒頻。年華已可樂。高興復留人。清穩詩自開。後人風氣。

駱賓王

在獄詠蟬

西陸蟬聲唱。南冠客思侵。那堪玄鬢影。來對白頭吟。露重飛難進。風多響易沉。無人

信高潔。誰為表予心。賓王兵敗後。史稱被誅。或云亡命無下獄之說。意未從。敬業之前。曾見繫也。原序平反已奏。等語。見非討武后之故。甚明。

蘇味道

歷初同鳳閣鸞臺三品。前後居相位。數載事。持兩端。中無斷決。人號蘇模稜。至賀三月雪為瑞。雪蓋詔。人也。後坐張易之黨。賤死。郢州。

正月十五夜

火樹銀花合。星橋鐵鎖開。暗塵隨馬去。明月逐人來。遊妓皆禳李。行歌盡落梅。金吾

不禁夜。玉漏莫相催。

韋承慶

字延休。陽武人。以孝聞。舉進士。補雍王府參軍。長壽中。累遷鳳閣舍人。後三掌天官。知政事。後貶嶺表。入為秘書少監。封扶揚縣子。遷黃門侍

卒郎

凌朝浮江旅思一作馬周詩

天晴上初日。春水送孤舟。山遠疑無樹。潮平似不流。岸花開且落。江鳥沒還浮。羈望傷千里。長歌遣四愁。三四眼前真景可悟畫理

劉希夷

晚春

佳人眠洞房。回首見垂楊。寒盡鴛鴦被。春生玳瑁牀。庭陰幕青靄。簾影散紅芳。寄語同心伴。迎春且薄粧。六朝風致一語百媚

陳子昂

晚次樂鄉縣

故鄉杳無際。日暮且孤征。川原迷舊國。道路入邊城。野戍荒煙斷。深山古木平。如何此時恨。噉噉夜猿鳴。前此風格初成。繼有未備。子昂崛起。聖光與響。遂開少陵之先。方虛谷云。不但感遇為古調之祖。其律詩亦近體之祖也。

春日登九華觀

白玉仙臺古。丹邱別望遙。山川亂雲日。樓榭入煙霄。鶴舞千年樹。虹飛百尺橋。還逢赤松子。天路坐相邀。

度荆門望楚

遙。遙。去。巫。峽。望。望。下。章。臺。巴。國。山。川。盡。荆。門。煙。霧。開。城。分。蒼。野。外。樹。斷。白。雲。隈。今。日。狂。歌。客。誰。知。入。楚。來。序自蜀入楚道路結言楚有狂歌之士今反狂歌入楚也

春夜別友人

銀。燭。吐。青。煙。金。樽。對。綺。筵。離。堂。思。琴。瑟。別。路。繞。山。川。明。月。隱。高。樹。長。河。沒。曉。天。悠。悠。洛。陽。去。此。會。在。何。年。

送魏大從軍

匈。奴。猶。未。滅。魏。絳。復。從。戎。悵。別。三。河。道。言。追。六。郡。雄。雁。山。橫。代。北。狐。塞。接。雲。中。勿。使。燕。然。上。惟。留。漢。將。功。絳本和戎今日從戎此活用之法一結雄渾

送別崔著作東征

金。天。方。肅。殺。白。露。始。專。征。王。師。非。樂。戰。之。子。慎。佳。兵。海。氣。侵。南。部。邊。風。掃。北。平。莫。賣。盧。龍。塞。歸。邀。麟。閣。名。魏志田疇入徐無山中躬耕百姓歸之太祖北征烏丸不得進疇曰可回軍從盧龍口越白檀之險路近而使太祖引軍出盧

龍大斬獲論功行封疇不受曰豈可賣盧龍塞以是賞哉。詩意以慎佳兵為主

杜審言

蓬萊三殿侍宴奉敕詠終南山

北斗挂城邊。南山倚殿前。雲標金闕迴。樹杪玉堂縣。半嶺通佳氣。中峰繞瑞煙。小臣持獻壽。長此戴堯天。初唐五言律不用雕鏤然後人雕鏤者直不能到故曰大巧若拙陳杜沈宋足以當之。詩詠終南而通說蓬萊此應制體也

秋夜宴臨津鄭明府宅

行止皆無地。招尋獨有君。酒中堪累月。身外即浮雲。霜白宵鐘徹。風清曉漏聞。坐攜餘興往。還似未離群。累月浮雲妙用活對月與雲皆活用也故下有霜風字而不嫌其複

夏日過鄭七山齋

共有尊中好。言尋谷口來。薜蘿山逕入。荷芰水亭開。日氣含殘雨。雲陰送晚雷。洛陽鐘鼓至。車馬繫遲迴。寫日中之雨雨後之雷有情有景

和晉陵陸丞早春遊望

獨有宦遊人。偏驚物候新。雲霞出海曙。梅柳度江春。淑氣催黃鳥。晴光轉綠蘋。忽聞歌古調。歸思欲沾巾。末二句指陸丞之詩言陸懷歸并動己之歸思也

登襄陽城

旅客三秋至。層城四望開。楚山橫地出。漢水接天回。冠蓋非新里。章華即舊臺。習池風景異。歸路滿塵埃。冠蓋里章華臺習郁池皆在襄陽甲古詩不應空寫即此可悟

送崔融

君王行出將。書記遠從征。祖帳連河關。軍麾動洛城。旌旂朝朔氣。笳吹夜邊聲。坐覺烟塵埽。秋風古北平。

賦得妾薄命

草綠長門掩。苔青永巷幽。寵移新愛奪。淚落故情留。啼鳥驚殘夢。飛花攪獨愁。自憐春色罷。團扇復迎秋。  
漢代后廢每居長門宮人廢每居永巷六語攪字本經語祇攪我心謂亂也

沈佺期

銅雀臺

昔年分鼎地。今日望陵臺。一旦雄圖盡。千秋遺令開。綺羅君不見。歌舞妾空來。恩共潭河水。東流無重回。  
雲卿近體吞吐含芳安詳合度不必陳之簡老杜之渾厚而位置其間自難軒輕。嘲笑魏武意於言外見之。古人輕重之

重與重疊之重通用

被試出塞

十年通大漠。萬里出長平。寒日生戈劍。陰雲拂旆旌。饑烏啼舊壘。疲馬戀空城。辛苦臯蘭北。胡塵損漢兵。

送金城公主適西番應制

金榜扶丹掖。銀河屬紫閣。那堪將鳳女。還以嫁烏孫。玉就歌中怨。珠辭掌上恩。西戎

非我匹明主。至公存。極周旋正是極不堪處

遊少林寺

長歌遊寶地。徒倚對珠林。鴈塔風霜古。龍池歲月深。紺園澄夕霽。碧殿下秋陰。歸路烟霞晚。山蟬處處吟。

夜宿七盤嶺

獨遊千里外。高卧七盤西。山月臨窻近。天河入戶低。芳春平仲綠。清夜子規啼。浮客空留聽。寢城聞曙難。平仲木名見吳都賦聽與聞複結處每不用力為照容所抑亦由乎此

雜詩

聞道黃龍戍。頻年不解兵。可憐閨裡月。偏照漢家營。少婦今春意。良人昨夜情。誰能將旗鼓。一為取龍城。

龍頭水

隴山飛落葉。隴鴈度寒天。愁見三秋水。分為兩地泉。西流入羌郡。東下向秦川。征客重回首。肝腸空自憐。

宋之問

夏日仙萼亭應制

仙萼亭前水。春流綠似苔。千巖分曉色。萬壑散朝暉。仰視浮蒼蓋。遙看白羽飛。月輪垂夜浦。潭影照朝暉。



高嶺逼星河。乘輿此日過。野舍時雨潤。山雜夏雲多。睿藻光巖穴。宸襟洽薜蘿。悠然小天下。歸路滿笙歌。

扈從登封途中作

帳殿鬱崔嵬。仙遊實壯哉。晚雲連幕捲。夜火雜星回。谷暗千旗出。山鳴萬乘來。扈從良可賦。終乏拔天才。沉雄之作。落句不免意盡。

送沙門弘景道俊玄奘還荊州應制

三乘歸淨域。萬騎饒通莊。就日離亭近。彌天別路長。荆南旋杖鉢。渭北限津梁。何日紆真果。還來入帝鄉。弘景道俊未詳玄奘於貞觀中歷西域取經歸翻譯入藏高宗勅還荊州群僚餞之。彌天猶遙天此僧家語。

奉和立春日侍宴內出剪綵花應制

金閣妝仙杏。瓊筵弄綺梅。人間都未識。天上忽先開。蝶繞香絲住。蜂憐艷粉迴。今年春色早。應為剪刀催。

留別之望舍弟

同氣有三人。分飛在此晨。西馳巴嶺徼。東去洛陽濱。強飲離前酒。終傷別後神。誰憐散花萼。獨赴日南春。

途中寒食

以謁帝  
言  
以去後  
言

馬上逢寒食。愁中屬暮春。可憐江浦望。不見洛橋人。北極懷明主。南溟作逐臣。故園

腸斷處。日夜柳條新。此詩應謫龍州時作結處故園與四語洛橋相應

登禪定寺閣

梵宇出三天。登臨望八川。開襟坐霄漢。揮手拂雲煙。函谷青山外。昆明落日邊。東京

楊柳陌。少別已經年。

度大庾嶺

度嶺方辭國。停輶一望家。魂隨南翥鳥。淚盡北枝花。山雨初含霽。江雲欲變霞。但令歸有日。不敢怨長沙。

題大庾嶺北驛

陽月南飛鴈。傳聞至此迴。我行殊未已。何日復歸來。江靜潮初落。林昏瘴不開。明朝望鄉處。應見隴頭梅。隴頭疑是嶺頭

陸渾山庄

歸來物外情。負杖閱巖耕。源水看花入。幽林採藥行。野人相問姓。山鳥自呼名。去去獨吾樂。無能愧此生。

李 嶠

比天孫  
用玉姬  
事

清暉樓  
人日猶  
云天在  
水遇雪  
頂上作  
結

長寧公主東莊侍宴

別業臨青甸。鳴鑿降紫霄。長筵鷓鴣集。仙管鳳凰調。樹接南山近。烟含北渚遙。承恩  
成已醉。戀賞未還鑣。結見君  
思無已

送金城公主適西番應制

漢帝撫戎臣。絲言命錦輪。還將弄機女。遠嫁織皮人。曲怨關山月。粧消道路塵。所嗟  
襍李樹空對小榆春。公主和番極辱國事雖奉詔  
作亦帶諷諫比立言之體也

宗楚客

字子毅蒲州人擢進士第諂事韋后武三思累官中書令陷害忠良并  
與謀弒逆中宗中壽崩睿宗子平王以兵靖亂誅韋后武三思楚客亦

伏誅

奉和人日清暉樓宴群臣遇雪應制

窈窕神仙閣。參差雲漢間。九重中禁啟。七日早春還。太液天為水。蓬萊雪作山。今朝  
上林樹。無處不堪攀。

長孫正隱 未詳

晦日宴高氏林亭同用華字

晦晚屬煙霞。遨遊重歲華。歌鐘雖戚里。林藪是人家。細雨猶開日。深池不漲沙。淹留  
迷處所。巖岫幾重花。

郭振

塞上

塞上虜塵飛。頻年出武威。死生隨玉劍。辛苦向金微。久戍人將老。長征馬不肥。仍聞酒泉郡。已合數重圍。

蘇頌

奉和登驪山高頂應制

仙蹕御層氛。高高積翠分。巖聲中谷應。天語半空聞。豐樹連黃葉。函關入紫雲。聖圖恢宇縣。歌賦少橫汾。

崔湜

字澄瀾。定州人。少成進士官。左補闕。預修三教珠英。轉考功員外郎。附陽刺史。韋庶人臨朝。復拜中書令。蕭至忠誅湜。流嶺外。後知湜本謀。賜死。

折楊柳

二月風光半。三邊戍不還。年華妾自惜。楊柳為君攀。落絮縈衫袖。垂條拂髻鬟。那堪音信斷。流涕望陽關。

張說

恩敕麗正殿書院宴應制得林字

東壁圖書府。西園翰墨林。誦詩聞國政。講易見天心。位竊和羹重。恩叨醉酒深。載歌春興曲。情竭為知音。

兵州燕別潭州王熊

縉雲通省閣。溝水遠西東。然諾心猶在。容華歲不同。孤城臨楚塞。遠樹入秦宮。誰念三千里。江潭一老翁。

深渡驛

旅宿青山夜。荒庭白露秋。洞房懸月影。高枕聽江流。猿響寒巖樹。螢飛古驛樓。他鄉對搖落。併覺起離憂。

還至端州驛前與高六別處

舊館分江口。淒然望落暉。相逢傳旅食。臨別換征衣。昔記山川是。今傷人代非。往來皆此路。生死不同歸。燕公嘗賤岳州與高遇而旅別及召還而高已辭世念及解衣推食情事悽然今地是人非死生異路不勝悼歎也

岳州贈廣平公宋大夫

亞相本時英。歸來復國楨。朝推長孺直。野慕隱之清。傳節還閩嶂。皇華入漢京。寧思江上老。歲晏獨無成。

和魏僕射還鄉

追叙從前會合

自謂

用臯魚  
語謂歸  
而親沒  
也。用李  
流傳事

富貴還鄉國。光華滿舊林。秋風樹不靜。君子歎何深。故老空懸劍。鄰交日散金。衆芳  
搖落盡。獨有歲寒心。

幽州夜飲

涼風吹夜雨。蕭瑟動寒林。正有高堂宴。能忘遲暮心。軍中宜劍舞。塞上重笳音。不作  
邊城將。誰知恩遇深。此種結後惟老杜有之。遠臣宜作是想。

南中別將五岑向青州

老親依北海。賤子棄南荒。有淚皆成血。無聲不斷腸。此中逢故友。彼地送還鄉。願作  
楓林葉。隨君度洛陽。

南中贈高六戩

北極辭明代。南溟宅放臣。丹誠由義盡。白髮帶愁新。鳥墜炎洲氣。花飛洛水春。平生  
歌舞席。誰憶不歸人。

張九齡

望月懷遠

海上生明月。天涯共此時。情人怨遙夜。竟夕起相思。滅燭憐光滿。披衣覺露滋。不堪  
盈手贈。還寢夢佳期。

情至語

旅宿淮陽亭口號

日暮荒亭上。悠悠旅思多。故鄉臨桂水。今夜眇星河。暗草霜華發。空亭鴈影過。興來誰與晤。勞者自為歌。故鄉臨韶州之桂水。旅中念及眇若天河。此種活對度人無限金針。

折楊柳

纖纖折楊柳。持此寄情人。一枝何足貴。憐是故園春。遲景那能久。芳菲不及新。更愁征戍客。容鬢老邊塵。

湖口望廬山瀑布水

萬丈紅泉落。迢迢半紫氛。奔流下雜樹。洒落出重雲。日照紅霓似。天清風雨聞。靈山多秀色。空水共氤氳。任華愛太白瀑布詩。係海風吹不斷。江月照還空。二語此詩正足相敵。

孫逖

宿雲門寺閣

香閣東山下。烟花象外幽。懸燈千嶂夕。卷幔五湖秋。畫壁餘鴻鴈。紗窗宿斗牛。更疑天路近。夢與白雲遊。千嶂夕五湖秋。承象外幽言之。五言寺之古。六言閣之高。

梁獻未詳

王昭君

圖畫失天真。容華坐誤人。君恩不可再。妾命在和親。淚點關山月。夜銷邊塞塵。一聞陽鳥至。思絕漢宮春。  
安命語實深于怨。唐人詠昭君者多纖巧恬俗。此作故為雅音。若少陵群山萬壑。赴荆門。筆如游龍。不可方物矣。

崔顥

贈梁州張都督

聞君為漢將。虜騎罷南侵。出塞清沙漠。還家拜羽林。風霜臣節苦。歲月主恩深。為語西河使。知予報國心。  
末語予字都督。自謂欲虜地。知其忠勇。報國之心。不敢犯邊也。此等結法。少陵有之。

送單于裴都護赴西河

征馬去翩翩。城秋月正圓。單于莫近塞。都護欲臨邊。漢驛通煙火。胡沙乏井泉。功成須獻捷。未必去經年。

題潼關樓

客行逢雨霽。歇馬上津樓。山勢雄三輔。關門扼九州。川從陝路去。河繞華陰流。向晚登臨處。風煙萬里愁。

劉春虛

寄江滔求孟六遺文

南望襄陽路。思君情轉親。偏知漢水廣。應與孟家鄰。在日貪為善。昨來聞更貧。相如

指酒



有遺草為一問家人。不負死友古人交誼遺草中必無封禪書

闕題

道由白雲盡。春與青溪長。時有落花至。遠隨流水香。閒門向山路。深柳讀書堂。幽映

每白日。清輝照衣裳。每事過求則當前妙境忽而不領解此意方見其自然之趣

張子容子容襄陽人與孟浩然同隱鹿門山開元初擢進士為樂城令

送孟浩然歸襄陽

東越相逢地。西亭送別津。風潮看解纜。雲海去愁人。鄉在桃林岸。山連楓樹春。因懷

故園意。歸與孟家鄰。

賤樂城尉日作

竄謫邊窮海。川原近惡谿。有時聞虎嘯。無夜不猿啼。地暖花長發。巖高日易低。故鄉

可憶處。遙指斗牛西。

賀知章字季真越州永興人證聖初擢進士累遷太常博士開元初遷禮部侍郎兼集賢殿學士天寶初乞為道士詔賜鏡湖一曲御製詩送行并令

朝臣賦詩餞送稱為盛事

送人之軍中

常經絕脈塞。復見斷腸流。送子成今別。令人起昔愁。龍雲晴半雨。邊草夏先秋。萬里

長城寄無貽漢國憂

陶翰

新安江行

江源南去永野飯暫維梢。古戍懸漁網。空林露鳥巢。雪晴山脊見沙淺。浪痕交自笑。無媒者逢人作解嘲。

王維

右丞五言律有二種一種以清遠勝如行到水窮處坐看雲起時是也一種以雄渾勝如天官動將星漢地柳條青是也當分別觀之

從岐王過楊氏別業應教

岐王名範玄宗弟

楊子談經處。准王載酒過。興闌啼鳥換。坐久落花多。逕轉迴銀燭。林開散玉珂。嚴城時未啟。前路擁笙歌。  
揚子雲比楊氏准王比岐王三四言賞玩之久也後言深夜始歸餘情無盡

同崔員外秋宵寓直

禁中直宿

建禮高秋夜。承明候曉過。九門寒漏徹。萬井曙鐘多。月迴藏珠斗。雲消出絳河。更慙衰朽質。南陌共鳴珂。

酬張少府

晚年惟好靜。萬事不關心。自顧無長策。空知返舊林。松風吹解帶。山月照彈琴。君問窮通理。漁歌入浦深。  
結意以不答答之

輞川閒居贈裴秀才迪

寒山轉蒼翠。秋水日潺湲。倚杖柴門外。臨風聽暮蟬。渡頭餘落日。墟里上孤煙。復值接輿醉。狂歌五柳前。

山居秋暝

空山新雨後。天氣晚來秋。明月松間照。清泉石上流。竹喧歸浣女。蓮動下漁舟。隨意春芳歇。王孫自可留。

歸嵩山作

清川帶長薄。車馬去閒閒。流水如有意。暮禽相與還。荒城臨古渡。落日滿秋山。迢遞嵩高下。歸來且閉關。寫人情物性每在有意無意間

輞川閒居

一從歸白社。不復到青門。時倚簷前樹。遠看原上村。青菰臨水映。白鳥向山翻。寂寞於陵子。桔槔方灌園。三四天然青白字複

終南山

太乙近天都。連山到海隅。白雲迴望合。青靄入看無。分野中峰變。陰晴衆壑殊。欲投人處宿。隔水問樵夫。近天都言其高到海隅言其遠分野二句似與通體不配今玩所不包手筆不在杜陵下或謂末二句似與通體不配今玩

草木交錯曰薄

言春芳雖歇山中自可留也

其語意見山遠而人寡也非尋常寫景可比

晚春嚴少尹與諸公見過

松菊荒三徑。圖書共五車。烹葵邀上客。看竹到貧家。雀乳先春草。鶯啼過落花。自憐黃髮暮。一倍惜年華。

過香積寺

不知香積寺。數里入雲峰。古木無人徑。深山何處鐘。泉聲咽危石。日色冷青松。薄暮空潭曲。安禪制毒龍。

登辨覺寺

竹暹從初地。蓮峰出化城。窗中三楚盡。林外九江平。軟草承趺坐。長松響梵聲。空居法雲外。觀世得無生。

送嚴秀才還蜀

寧親為令子。似舅即賢甥。別路經花縣。還鄉入錦城。山臨青塞斷。江向白雲平。獻賊何時至。明君憶長卿。

送張判官赴河西

單車曾出塞。報國敢邀勳。見逐張征虜。今思霍冠軍。沙平連白雪。蓬巷入黃雲。慷慨

見用字之妙

將謁舅也歸省親也

倚長劍。高歌一送君。

同崔興宗送瑗公

言從石菌閣。新下穆陵關。獨向池陽去。白雲留故山。綻衣秋日裡。洗鉢古松間。一施

傳心法。唯將戒定還。以紉綻為綻。猶以澆為污。以治為亂也。

送平淡然判官

不識陽關路。新從定遠侯。黃雲斷春色。畫閣起邊愁。瀚海經年到。交河出塞流。須令

外國使。知飲月支頭。匈奴破月支王以其頭為飲器。今借來活用。

送趙都督赴代州

天官動將星。漢地柳條青。萬里鳴刁斗。三軍出井陘。忘身辭鳳闕。報國取龍庭。豈學

書生輩。牕間老一經。

送方城韋明府

遙思葭菼際。寥落楚人行。高鳥長淮水。平蕪故郢城。使車聽雉乳。縣鼓應鷄鳴。若見

州從事。無嫌手板迎。

送梓州李使君

萬壑樹參天。千山響杜鵑。山中一夜雨。樹杪百重泉。漢女輸檀布。巴人訟芋田。文翁

遠景在

斗絕從  
上蟬聯

翻教授不敢倚先賢結意言時之所急在征戍而文翁治蜀翻在教授準之當今恐不敢倚先賢也然此亦須活看

送劉司直至安西

絕域陽關道。胡沙與塞塵。三春時有鴈。萬里少行人。首着隨天馬。葡萄逐漢臣。當今外國懼不敢。寬和親一氣渾淪神勇之技

送賀遂員外外甥

南國有歸舟。荆門沂上流。蒼茫葭葦外。雲水與昭丘。檣帶城烏去。江連暮雨愁。猿聲不可聽。莫待楚山秋。

送楊長史赴果州

褒斜不容憶。之子去何之。鳥道一千里。猿聲十二時。官橋祭酒客。山木女郎祠。別後同明月。君應聽子規。子規叫不如歸去。蓋望其歸也。

送邢桂州唐之桂州即漢之合浦

饒吹喧京口。風波下洞庭。赭圻將赤岸。擊汰復揚舲。日落江湖白。潮來天地青。明珠歸合浦。應逐使臣星。三四當句對復用活對潮來句奇警末諷以不貪也古人用意曲折微婉後漢書孟嘗字伯周遷合浦太守先時宰守貪珠徙

交趾嘗到官去珠復還

送邱為落第歸江東

反用孔融薦禰衡事

憐君不得意。况復柳條春。為客黃金盡。還家白髮新。五湖三畝宅。萬里一歸人。知禰不能薦。羞稱獻納臣。末句自答言我知君而不能薦之。于朝羞自比于獻納臣也。玄宗改理。團使故有是稱。

漢江臨汎

楚塞三湘接。荆門九派通。江流天地外。山色有無中。郡邑浮前浦。波瀾動遠空。襄陽好風日。留醉與山翁。

被出濟州

微官易得罪。謫去濟川陰。執政方持法。明君無此心。閭閻河潤上。井邑海雲深。縱有歸來日。多愁年鬢侵。

使至塞上

單車欲問邊。屬國過居延。征蓬出漢塞。歸鴈入胡天。大漠孤煙直。長河落日圓。蕭關逢候吏。都護在燕然。

冬晚對雪憶胡居士家

寒更傳曉箭。清鏡覽衰顏。隔牖風驚竹。開門雪滿山。灑空深巷靜。積素廣庭閒。借問袁安舍。脩然尚閉關。寫對雪意不削而合不繪而工。憶胡居士只未一見。

終南別業

中歲頗好道。晚家南山陔。興來每獨往。勝事空自知。行到水窮處。坐看雲起時。偶然值林叟。談笑無還期。行所無事一片化機末語無還期謂不定還期也無字或作滯字亦可

登裴迪秀才小臺作

端居不出戶。滿目望雲山。落日鳥邊下。秋原人外閒。遙知遠林際。不見此簷間。好客多乘月。應門莫上關。轉從遠林望小臺思路曲折遠林已之家中也故結言應門有待莫使上關

秋夜獨坐

獨坐悲雙鬢。空堂欲二更。雨中山果落。燈下草蟲鳴。白髮終難變。黃金不可成。欲知除老病。惟有學無生。

觀獵

風勁角弓鳴。將軍獵渭城。草枯鷹眼疾。雪盡馬蹄輕。忽過新豐市。還歸細柳營。回看射鵰處。千里暮雲平。章法句法字法俱臻絕頂盛唐詩中亦不多見起二句若倒轉便是凡筆勝人處全在突兀也結亦有回身射雕手段

孟浩然孟詩勝人處每無意求工而清超越俗正復出人意表清淺語誦之自有泉流石上風來松下之音

臨洞庭上張丞相

八月湖水平。涵虛混太清。氣蒸雲夢澤。波撼岳陽城。欲濟無舟楫。端居恥聖明。坐觀垂釣者。徒有羨魚情。起法高渾三四雄潤足與題稱讀此詩知襄陽非甘于隱避者語云臨淵羨魚不如退而結網意外望張公之援引也

下半上張丞相

翻方上語



上巳洛中寄王九迴

卜洛成周地。浮杯上巳筵。門雞寒食下。走馬射臺前。垂柳金堤合。沙平翠幙連。不知王逸少。何處會群賢。

與諸子登峴山

人事有代謝。往來成古今。江山留勝跡。我輩復登臨。水落魚梁淺。天寒夢澤深。羊公碑尚在。讀罷淚沾襟。清遠之作不煩攻苦著力

晚春

二月湖水清。家家春鳥鳴。林花掃更落。徑草踏還生。酒伴來相命。開樽共解酲。當杯已入手。歌妓莫停聲。

題義公禪房

義公習禪寂。結宇依空林。戶外一峰秀。塔前衆壑深。夕陽連雨足。空翠落庭陰。看取蓮花淨。方知不染心。

李公園卧疾

我愛陶家趣。林園無俗情。春雷百卉坼。寒食四鄰清。伏枕嗟公幹。歸田羨子平。年年白社客。空滯洛陽城。劉公幹詩余嬰沉痾疾竄身清漳濱張平子有歸田賦向子平不知何指

尋梅道士

彭澤先生柳山陰。道士鵝。我來從所好。停策夏陰多。重以觀魚樂。因之鼓枻歌。崔徐迹未朽。千載揖清波。

梅道士水亭

傲吏非凡吏。名流即道流。隱居不可見。高論莫能酬。水接仙源近。山藏鬼谷幽。再來尋處所。花下問漁舟。

尋天台山

吾愛太乙子。食霞卧赤城。欲尋華頂去。不憚惡溪名。歇馬憑雲宿。揚帆截海行。高高翠微裡。遙見石梁橫。處州有惡溪。應從處州至天台也。華頂天台之巔。一統志謂石梁廣不盈尺。長數十丈。下臨絕澗。予遊其地。長三丈許。僧與樵

人每經行焉

歸終南山

北闕休上書。南山歸弊廬。不才明主棄。多病故人疎。白髮催年老。青陽逼歲除。永懷愁不寐。松月夜窗虛。此浩然不第歸來作也。時帝幸王維寓。浩然見帝。帝命賦。平日臨洞庭而誦歸終南山命實為之。浩然亦有不能自主者耶。

初出關旅亭夜坐懷王大校書

向夕槐烟起。葱蘢池館曛。客中無偶坐。關外惜離群。燭至螢光滅。荷枯雨滴聞。永懷芸閣友。寂寞滯揚雲。

過故人莊

故人具雞黍。邀我至田家。綠樹村邊合。青山郭外斜。開軒面場圃。把酒話桑麻。待到重陽日。還來就菊花。

通體清妙。未句就字。作意而歸于自然。

裴司士見尋

府僚能枉駕。家醞復新開。落日池上酌。清風松下來。厨人具雞黍。稚子摘楊梅。誰道山翁醉。猶能騎馬回。

即山巨源倒載意也。山翁仍宜用山公。

和李侍御渡松滋江

南紀西江濶。皇華御史雄。截流寧假楫。挂席自生風。寮寀爭攀鷁。魚龍亦避驄。坐聽白雪唱。翻入棹歌中。

宿桐廬江寄廣陵舊遊

山暝聽猿愁。滄江急夜流。風鳴兩岸葉。月照一孤舟。建德非吾土。維揚憶舊遊。還將兩行淚。遙寄海西頭。

孟公詩高。于起調故清而不寒。

送友東歸

客中無聊之况

起手須致此高

士有不得志。栖棲吳楚間。廣陵相遇罷。彭蠡泛舟還。檣出江中樹。波連海上山。風帆明日遠。何處更追攀。

留別王維

寂寂竟何待。朝朝空自歸。欲尋芳草去。惜與故人違。當路誰相假。知音世所稀。祇應守寂寞。還掩故園扉。

閒園懷蘇子

林園雖少事。幽獨自多違。向夕開簾坐。庭陰落翠微。鳥從烟樹宿。螢傍水軒飛。感念同懷子。京華去不歸。

早寒有懷

木落鴈南渡。北風江上寒。我家襄水曲。遥隔楚雲端。鄉淚客中盡。孤帆天際看。迷津欲有問。平海夕漫漫。

途中遇晴

已失巴陵雨。猶逢蜀坂泥。天開斜景遍。山出晚雲低。餘溼猶沾草。殘流尚入溪。今宵有明月。鄉思遠悽悽。

狀晚霽如畫

赴京途中遇雪

是夜渡

迢遞秦京道。蒼茫歲暮天。窮陰連晦朔。積雪遍山川。落鴈迷寒渚。饑鳥噪野田。客愁空佇立。不見有人烟。

夜渡湘水

客行貪利涉。夜裡渡湘川。露氣聞芳杜。歌聲識采蓮。榜人投岸火。漁子宿潭煙。行旅時相問。潯陽何處邊。行旅自謂問者問榜人漁子也

常建

破山寺後禪院

清晨入古寺。初日照高林。曲徑通幽處。禪房花木深。山光悅鳥性。潭影空人心。萬籟此俱寂。惟聞鐘磬音。鳥性之悅悅以山光人心之空空因潭水此倒裝句法。通體幽絕。歐陽公自謂學之未能古人虛心服善如是。

泊舟盱眙

泊舟淮水次。霜降夕流清。夜久潮侵岸。天寒月近城。平沙依鴈宿。侯館聽雞鳴。鄉國雲霄外。誰堪羈旅情。

空字平聲此入古句法

